



五

貴陽陳田輯

天德堂

黎民表 三十五首

民表字維敬從化人嘉靖甲午舉人除翰林院孔目

歷吏部司務制敕房中書南兵部員外改戶部進郎

中出爲河南參議有瑤石山人稿十六卷

四庫總目民表詩雖錯采纓金而風骨典重無綺靡塗飾之習

弇州山人稿瑤石五言古自建安而下及梁陳靡所

不出入近體颯風全盛遺響

詩藪詩之晚年彌工者黎惟敬歐楨伯皆嶺南巨擘

也惟敬近體深靚莊嚴類公實而老健過之

靜志居詩話瑤石詩讀之似質悶而實沈沈著堅韌元

美所取績五子無媿大小雅材者僅此一人而已

已籤卷五

出郭十里望白雲山

伊余霞外心夙協滄洲想芳春戒簪朋青谿肅徂兩瀾瀾清

露溥英英白雲上旭日熹陽厓暄氣散林莽棧道旣縈紆窺

川亦沆瀣千呂氣多奇建木影殊狀陟雲脰已捐覽勝心逾

壯立圃非冥設丹邱豈外象願矯凌風翼永恣山泉賞

登白雲最高頂

靈嶽奠南澳鳳翼矯而峙上千燭斗樞下盤絕地理修坂饒

菁芴迴谿蔭榭梓東觀極扶桑西窺逼濛汜晨標頽震截夜

氣白虹起玉樹發惹青金潭耿清泚平生信經奇茲山擅巨  
美圖史謾莫傳侗儻固難紀儻驂飛龍遊長揖當途子

虞翻宅

城西有名刹云是仲翔園煙蘿日以翳堂隍無復存幽林集  
異鳥曲沼羅芳蓀諫獵想奇節醉酒悼微愆懷瑜爾何罪捐  
袂誠少恩才情豈不劭骨相故多屯瘴鄉有逆旅江介滯遊  
魂抱獨繁遐感談經思偉言運銷名詎滅身屈道彌尊惟有  
青蠅歎千秋傷隱淪

天甯寺

僧道衍故居

穹標千朱鳥崑嶺峙黃甸迢遞屢切餘曠望千里見威神朔  
棟宇丹梯凌棧巖離隋荒戒不遠秦餘迹可踐宇內騁良圖異

已籤卷五

二

人側延盼混迹漁樵流中備帷幄選叱咤興風雲指麾定京  
縣豈徒人謀勝寔以覺力顯曩基有增飾故池仍重穿金骨  
永不焚智燈夜猶炫弓劍歸鼎湖丹書闕淨院古瓦蒼鼠竄  
寒林夕鳥囀玄運有興衰浮生信露電迷川藉津航塵海孰  
漂轉窮途創奇觀臨風淚如霰

登泰山作

神泉表東海作鎮何穹窿氣匠構萬有揮斤闢鴻濛頽然壓  
九野奔伏如遊龍飛梯倚立壁側足臨絕淙淙靈飈生兩腋乃  
造玉女宮仰視但蒼莽欲往階何從平生汗漫遊冷然感絕  
蹤海日連周觀悲風起秦松息影止岩下搖心尙忡忡

夏仲昭萬竿煙雨圖爲劉仲恭題

洋州墨竹曾傳譜東吳夏卿亦其伍常掃風枝及雨葉世人  
往往傾貲取此幅離奇動萬竿煙嵐滅沒蛟龍蟠碧鮮下拂  
彪池淺翠葆陰生洞壑寒天籟刁騷忽然起水意山情落棊  
几窗前作賦夏金聲林下揮觴助玄理煩襟俗狀借解紛始  
知不可無此君寫真已足輕尺璧何況溪邊十畝雲願君寶  
之勿輕擲城南儻舍勝泉石藉苔淪茗時展觀洗予骯髒風  
塵色

留都

伊昔風雲際誰依日月光鹿窮歸歷數龍變化侯王俎豆丹  
青裏江山劍戟傍鉛刀思一騁流恨向宮牆

彈子磯

已籤卷五

三

茲嶺何綿互孤根下杳冥雲光盪烏背水氣雜龍腥蜀道攢  
爲閣廬山疊作屏定知人靜後風雨語精靈

香爐峽

重林遙蔽日羣峭上摩天蜃氣何齒翠猿聲更接連雙娥行  
雨廟百丈上瀧船遠道應愁絕鄉園若箇邊

吳給事左遷同徐比部過訊

流言生白髮落羽自丹青一去甘微祿羣公在聖朝才名甯  
燕雀身世且漁樵江上青楓遠客魂終易銷

嵩臺

景絕因江會樓高更得名山迴到海色樹殷落潮聲日影朱  
旗直風含白礪輕憑欄聊引睇誰悉古今情

鐵泉菴

鐵壁臨千仞，乘危更一探。瀑前玄茗竈，松杪出花龕。鶴憶鏡殘帙，猿經伴夜談。誰能開丈室，招隱南山南。

同肖甫夜宿龍華寺

曲水通龍沼，荒塍次鹿園。風塵湖外斷，雲氣島中騫。靜院鳥雙下，寒檠客對言。誰知朝市裏，叢桂得扳翻。

舟泊金川望唐允治歐彥楨不至

嶺雲關樹思依依，江上初逢秋月輝。歧路無情還獨往，青山有約更同歸。煙生古戍逢人少，水落寒塘見雁稀。楚客此時頻悵望，不知何處寄金徽。

陳貴吾歐彥楨約遊玉鳥亭故址

已籤卷五

四

弱水桑田更淺清，殘碑猶自記嘉平。青驪海上應無迹，玉鳥人間尙有名。笙管御風迴鶴夢，杉松將雨雜鸞聲。那堪采藥歸來晚，夜夜東風憶五城。

春興次彥楨韻

午夜鏘鏘簇佩變，金吾千隊警長安。欲求洵客先祠寵，擬醮神君更築壇。丹桂影中迴日御，碧桃花下聳雲冠。侍臣聽罷鈞天曲，銀浦無聲沆瀣寒。

燕京書事

朱樓迢遞接平沙，歎息深聞有麗華。青鳥幾時隨阿母，綵鸞今夜屬良家。桃栽碧海多成實，桂貯長門自落花。寄語采桑南陌女，莫將顏色向人誇。

登鎮海樓得憑字

厯盡丹梯第幾層，下臨千仞若無憑。  
石間細路縈紅葉，松頂寒花賸紫藤。  
遠目只隨芳草去，清歌長共碧雲凝。  
三山波浪空愁思，誰躡鴻鸞共上昇。

經山人李子長墓

墳前烏雀啄高枝，過客能傳處士詩。  
食肉未爲何點累，解醒終笑季倫癡。  
荒山躑躅非違俗，流水浮名尙有碑。  
獨鶴不歸華表柱，麒麟高塚幾纍纍。

東山別業爲梁少傅作

十里青山帶郭遙，風花三徑斷漁樵。  
衣冠韋曲名家後，詞賦淮南隱士招。  
對酒暝煙連竹墅，杖藜晴色過溪橋。  
登臨更有

已籤卷五

五

羊何和詩興逢秋未寂寥

答張肖甫訊余卧病

落木寒砧不可聞，山川蕭索夜平分。  
故人顏色看明月，倦客心情在白雲。  
滄海終懷鴻雁計，赤霄新起鳳凰羣。  
何人不奏甘泉賦，寂寞蓬蒿始見君。

春日同許元復顧汝由兄弟遊白雲觀

萬行珠樹接丹邱，白日曾傳駕彩虬。  
犬已隨金節去，衣冠不見翠華遊。  
人間陵谷成千載，劫外乾坤自十洲。  
行客只貪風景樂，豈知芳草易生愁。

楨伯以黍泉先生遊羅浮之作見示依韻寄上

曾事蓬萊洞裏仙，風塵回首隔鈞天。  
燒丹竈冷殘金薤，洗藥

池荒長碧蓮潮水別來猶到海山庭歸去欲馳煙瑤臺東畔  
茆廬在小住桃花五百年

戴金吾伯常招飲鄭園

禁城秋色淨無煙碧水澄波帶遠天十里樓臺通泰時五陵  
花木有平泉風搖柳浪低紈扇日暮菱歌起釣船冰簟疏簾  
銷暑地流塵知不到尊前

九日同李給事馮吳二侍御歐文學登城南樓

魚鑰重關鎮薊堞河山橫在赤闌前愁中白雁驚千里客邸  
丹楓又六年玄朔烽塵秋入塞紫垣宮闕上侵天淩雲更接  
詞人賦不數蘭臺白雪篇

送李伯承還山

己籤卷五

六

黃塵拂衣歸去來酣歌擊筑相徘徊青山似惜敬亭別明月  
況有金陵杯煙中柳條折欲盡池上浮萍吹復開楚江渺然  
挂席去知爾萬里遊蓬萊

送張羽王移六安

與君南浦一相逢聚散那知少定蹤白首天涯猶謫宦故人  
雲路幾登龍心遙皖水城邊月夢落浮槎寺裏鐘莫歎賦才  
無客薦長門誰是主恩濃

江行

袁郎清詠處月夜遇征西寂寞憐才意空江鳥自囀

秋雨集清泉精舍

樓北控青山是昔呼鸞道金輿終不來羅衣散秋草

列岫亭

會心不在多一邱堪偃蹇始笑武陵人移住花源遠  
竹在亭爲貞吉賦

齋閣夜蕭寥風林散清影天籟忽刁騷幽人夢初醒

爲劉仲修題畫

長風送棹歌得魚滿笮簪若逢市朝人道是江南景

宮詞三首

金屋無人奉屬車君王初誦上清書日長不用教歌舞自繞  
琪壇學步虛

未央樓殿敞秋風芝火煌煌徹夜紅知是驂鸞朝太乙旌幢  
斜出五雲中

已籤卷五

七

立殘銀漏未更衣聞道龍池駐翠駢衛士夜深傳畫燭御街  
塵起六臣歸

王道行一首

道行字明甫陽曲人嘉靖庚戌進士除鄧州知州歷  
大名蘇州知府陝西參政河南按察使進四川布政

使有桂子園稿

大泌山房集龍池詩不雕刻以傷氣不敷衍以傷骨  
拂拾博而師匠高

九月朔夜與友人飲南城樓

玉棟飛雲矗太空銀河咫尺若爲通羣公環珮天風外萬壘  
林巒煙雨中叢菊喜逢佳節近芳尊先與故人同祇今青海  
無傳箭坐鎮深知鎖鑰功

石星一首

星字拱辰東明人嘉靖乙未進士除行人進吏科給事中坐言事杖為民起原官遷尙寶司少卿歷大理寺丞進少卿出為南太僕寺卿擢左僉都御史協理院事進左副都御史歷兵部侍郎進工部尙書加太子少保改戶部兵部晉太子太保加少保以事下獄論死

靜志居詩話少保雖與弇州聲氣求然風雅道遠弇州與陽曲王明甫齊進之積五子之列月旦如是初不為千秋起見止任一時之愛憎而已

同穆敬甫舟中

風雨蕭蕭野色昏故鄉歸去掩柴門殘春花鳥收詩卷大地

已籤卷五

八

山河入酒尊抗疏匡衡歸計細窮途阮籍壯心存相逢東道如相問洛下猶餘數畝園

趙用賢一首

用賢字汝師常熟人隆慶辛未進士選庶吉士除檢討以建言杖為民起春坊贊善歷南國子監祭酒就進禮部侍郎改北再改吏部卒贈禮部尙書諡文毅有松石齋文集三十卷詩六卷

列朝詩集文毅強學好問老而彌篤午夜攤書夾巨燭窗戶洞然每至達旦為文章博達詳瞻少年頗譽譽弇州晚而北面稱弟子弇州亦盛相推挹作續五子詩及之而未五子居首焉

宿昭陵齋房呈溟南趙館丈

先皇原廟俯層陰肅穆祠官奉御心月露夜零千嶂曉風泉

寒咽九龍吟空傳遺鳥留圍腹猶想鳴珂直禁林繡草眞臺  
何日事侍臣惟有淚沾襟

已籤卷五

九



日事拾遺錄白雲詩集

國武備公論... 山樂林獻...

已籤

屠隆十五首

隆字長卿鄞人萬厯丁丑進士除潁上知縣改青浦

徵授禮部主事歷員外郎中有由拳集二十三卷白

榆集二十卷栖真館集三十卷

弁州山人續稿長卿詩語秀逸有天造之致的然大

沈明臣豐對樓集長卿詩文宏肆鉅麗高華秀美輝

然動人心目野獲篇今上甲申歲刑部主事俞顯卿論劾屠長卿

得旨兩人俱革職為民俞松江上海人屠令青浦以

事干謁屠不聽且加侮慢俞恨甚至是具疏指屠淫

縱有翠館侯門青樓郎署諸嫖語上大怒並斥之時

西甯夫人有才色工音律屠亦能新聲頗以自炫每

劇場輒闖入羣優中作技夫人從簾箔中見之勞以

香茗因以外傳至於通家往還亦有之何至如俞疏

云云也近年屠作曇花記以木清泰為主嘗怪其無

謂一日遇屠於武林古家童演此曲揮策四顧如

幸幼安之歌江山千古自鳴得意於座間私問馮

開之祭酒云屠年伯此記出於何典馮笑曰屠不

知耶木字增一蓋成宋字清字與西為對泰即甯字

之意也屠晚年自恨往時孟浪致累宋夫人被醜聲

侯方稱用亦因坐廢此延接吳越間名士沈嘉則馮

開之流泛舟置酒青簾白舫縱浪柳浦間以仙令

自許在耶署益放詩酒中白簡罷官壯年不自聊縱

遊關塞思得一當歸而談空覈玄自詭出世一無所

遇為大言以自慰而已晚中秋大會詞人為祭酒梨

之勝阮堅之司理晉安以中秋大會詞人為祭酒梨

圍數部觀者如堵酒闌樂罷長卿幅巾白衲奮袖作

漁陽搯鼓聲一作廣場無人山雲怒飛海水起立林

茂之少年下坐長卿起執其手曰子當為搯鼓歌以

贈屠生快哉此夕千矣長卿答友人書為搯鼓歌以

作為為委敏而意疏姿敏故多疾給意疏故少精堅

束髮操觚睥睨一世長篇短什信心矢口嘗戲命  
人對案分拈二題各賦百韻咄嗟之間二章並就又  
與人對奕口誦詩文我誦彼書書不逮誦非不欲求  
工厭物而姿性使然雖復苦心腐毫閭筆不下亦止  
如是長卿雖為吏家無餘費好交遊畜聲伎不耐岑  
寂不能不出遊人間自謂采真者十之三乞食者十  
之七蓋實錄也

甬上者舊集先生異才天縱橫視古今里中父老傳  
其飲中下筆杯影尚搖歌聲初轉一揮已滿四座盡  
傾其七言古詩意得處山奔海立斯亦一奇也余嘗  
謂錄古人詩要當於彼處取其獨擅者耳近人選長  
卿僅存一律復非其所意復使前人才氣於何得伸  
其未行世詩文名絳雪樓集尙數十卷藏於家  
明詩選陳臥子曰緯真詩如衝煩驛舍陳列壺觴頃  
刻辨就而少堪下箸

靜志居詩話長卿才非不高而縱情奔放記云不知  
所以裁之者也  
田按長卿才氣縱橫長篇尤極恣肆惟任情傾瀉不  
自檢束未免瑜為瑕掩錄詩者但取寥寥短篇安足  
見所長李杲堂云錄詩非其意所得使前人才氣於  
何得伸最識文人苦心余於解大紳曾子啟屠長卿  
諸人均用此意使才鬼有知當拊舞地下

已籤卷六

短歌

喬木多陰曠土多懷憂來無端西風鳴哀解無登高臺以望

曠遠浮雲西馳白日何短解晨登崑崙以臨具茨四海雖廣

不容須眉解太行可升海水難測短褐行歌聲出金石解

劉生

遊俠重三秦微軀可借人肯負將軍諾甯辭丞相嗔桃花嬌

寶騎芳草映文裊不向沙場上誰知百戰身

荆卿歌

荆卿薄舞陽七首挾秋霜殺氣衝寒日悲風下大荒繡柱猶

堪遶金屏不可防燕魂飲恨沒秦草逐年芳

吁嗟行爲馮開之賦

吁嗟馮先生汝爲我飲我爲汝謳仰天大嘯銷百憂星辰北  
走河漢西流昨日北風叫枯桑今朝芳樹鳴鳩鳩世事如此  
今我何求我欲努力取富貴富貴難自適我欲局促修空名  
空名竟何益丈夫低眉復苦心笑殺金華紫煙客夜來聞君  
浩蕩言使我酒量大如斗堯舜桀紂總枯骨不如月下一杯  
酒紅燭未殘歌聲漸低酒中累月堪沈迷空林不問城烏嘯  
吁嗟馮先生眼前落落君與我百年一日且瀟灑好風吹花  
花欲言與君爛醉筵下酒罷登臚思黯然絳桃遙指西湖  
邊今朝送君出門去明朝世事還相煎相煎何爲快意當前  
中酒迷花虛白日萬山千水隔蒼煙

劉御史歌

己籤卷六

三

丞相怒烈士皮駝馬來烈士災陰風蕭蕭神靈哭不止黃沙  
荒荒烈士死吁嗟乎劉御史遼陽天黑白日沒下有猓獠上  
有鴟磨牙鑿齒據其窟山鬼不敢弔河伯不敢出妻子那及  
收骸骨嗚呼噫嘻何人殺孔融何人殺臧洪男兒出身報天  
子挽首屈死蓬蒿中雲旗獵獵紅滿空天兵下來衝煙虹將  
軍十道開寶弓誰當迎御史上帝特遣關龍逢關龍逢握公  
手釀天河挹北斗拂公塵埃飲公酒人間險巖天上否遊戲  
白玉堂逍遙黃金牖椒山青霞亦公友自公去矣廓氛霾天  
情地朗日月開墓前銅雀化爲灰塞上金雞譎戍回公不在  
矣使心哀我哀何爲公不答仰視高空寒颼颼白雲蒼茫九  
關合乾坤輟轉人事還天子下詔褒忠賢鬼蜮射人虹霓障

天磯我烈士古路邊榮以大官籠大篇子孫仍賜綿上田蕙  
穀桂醴焚紙錢年年寒食墓門煙

田按劉御史安福劾臺上疏劾輔臣張居正疏載明史本傳捷奉旨譙責旋上怒廷辨之曰在令巡按不得報軍中語甚切直居正怒廷辨之曰在令巡按不得報軍功遼東大捷臺遠制妄奏法應降謫臣第請旨戒諭臺發憤於臣且臺為臣所取土二百年來無門生劾師長者計惟一去謝之因辭政伏地泣不肯起帝降御座手掖之慰留再三居正強諾不出視事帝遣司禮太監孫隆齋手敕宣諭乃起遂捕臺至京師下詔獄命廷杖百遠戍居正陽具疏救乃除名為民居正恨不已臺按遼時與巡撫張學顏不相得至是學顏入為戶部誣臺私贖銀居正屬御史于應昌巡遼覈之而合王宗載巡撫江西臺里得州飲戍王所歸意實其事以聞遂戍臺廣西臺臺中事二人希歸而暴卒是日居正亦卒御史江東之訟臺冤劾宗載應昌南京御史孫繼先亦發學顏陷臺罪帝方嚮學顏得不問已而江西遠東巡撫勘報宗載應昌朋比傾陷皆有狀宗載遣成應昌除名贈臺光祿少卿廕一子天啟初追諡毅思

已籤卷六

四

卓徵甫光祿張具大會汪伯玉司馬諸名賢西湖南屏  
山分體得隄字

天空秋氣高雲盡虛堂敞山川既以嘉風日亦以朗賢豪大  
會傾東南瓊筵飛蓋邀清賞松蘿偃戶路欲迷水風度曲聲  
轉低可憐楊柳尙垂地正及芙蓉開滿隄酒酣杖策捫高嶺  
縱有涼颯扶不醒座擁金釵十二行湖吹雪浪三千頃紈扇  
盈盈隔絳紗美人一一芙蓉花好取清歌留落日更將秀色  
比明霞諸公競起尋詩去嘯入蒼煙不知處與到甯辭琥珀  
杯詩成盡謔珊瑚樹吁嗟乎蘭亭寂寞哀諸賢千秋風雅今  
寂然此會名遺王謝後只疑身在永和年

神銷篇贈李子年

吳人鑄劍天下無二子精靈時可呼雷鳴電擊勢飛動夜深  
妖血猶模糊水犀才萬壓羅刹光閃吳鉤白如雪提攜在手  
鬼夜愁橫行東南摧越絕仰抉浮雲六合昏俯斫海水蛟龍  
奔李生才氣有如此無乃古鐵之精魂君不見荆卿匕首往  
不同終作秦王柱下灰子房偃蹇遇黃石滅楚興劉起三尺  
古來英雄真不同意氣橫空貫白虹

孤憤篇

城南蕭蕭行人斷野風吹沙百草短狐狸穿土鬼嘯霜天陰  
夜夜青燐滿義士一邱託山阿何人殺之鷹與犬豕雄灰滅  
乃天亡鷹邪犬邪投煙荒君魂肅穆靈旗張我來灑泣酌椒  
漿地下同遊陳少陽

已籤卷六

五

田拔長卿孤憤篇自序為宛陵吳君仕期作也仕期  
為諸生偶直負氣有古烈士風萬歷中進士鄒元  
標疏論江陵奪情被廷杖謫戍都均過京且仕期聞  
而走數百里及之江上握手如糜泣數行下歸而不  
書達言抵江陵微知其事大恨無何燕湖諸生王律  
得達後江陵微知其事大恨無何燕湖諸生王律  
者私草一疏託名海瑞而偽撰廷旨有所處分事聞  
之南都操江都御史胡積欖楚人江陵黨也陰屬大  
平府同知龍宗武廉其狀宗武疏出仕期有窮律王律  
知仕期有上書事遂喚王律謂疏出仕期有窮律王律  
宗武虐考之乃妾承密以聞欖及江陵江陵報書必  
殺乃已宗武以計給仕期至太平嚴訊且謂仕期曰  
爾郡中薦紳有得罪時相者染之則汝罪寬矣仕期  
忱慨曰我自陳其冤狀不得奈所復轉置城沈君與  
見死曰死不能枉害忠良宗武所絕蓋數日仕期餒  
亦江陵所恨也宗武乃下獄獄其自殺之江陵死而  
噤其衣絮殆盡不死以沙囊壓其目殺之江陵死而  
都御史孫維城疏訟仕期冤有旨逮宗武及欖約治  
並坐宗戌余謂江陵桐葉功在社稷獨其口鐵其門子  
人可為痛恨厥後詔沒其家先期錄其人其門子  
女避空室中餓死者十餘輩天道好還諒哉

送龍君超

念子客應久况茲秋復深向來多道氣到處復雲林謝客巖  
猶在豐干寺可尋河梁無限意絡繹助悲吟

冬日同韓承志管登之錢功父吳元卿過開元寺訪湛

公

禪房暮蕭瑟斜日挂霜藤渡海前朝佛彌天大智僧譚應花  
雨落坐訝塔雲崩師是西來者行傳幾代燈

蘇小小墓

日落西陵冷暮潮美人南國恨蕭條江邊草綠青驄去墓上  
花開紅粉銷明月可能留寶屐垂楊猶自學纖腰白門亦有  
嗁鳥在多少香魂不可招

已籤卷六

六

吳太史舊宅

太史風流不可論山邱華屋祇銷魂淒涼野老談歌舞寂寞  
鄰家寄子孫誰遣空階生綠草曾經明月照朱門傷心回首  
十年事流水殘霞遶舊村

寄張肖甫司馬

眞人黃石佐兵機淮蔡功成好拂衣刁斗長離飲馬窟絲綸  
初穩釣魚磯雨香錦水攀花入雲冷青城採藥歸聞道銅梁  
開別業日斜誰與望清暉

寄答唐嗣宗

一院梧陰月正鮮好風吹墮彩雲篇已知都水持僧律猶爲  
淵明寄酒錢入夜蟲聲喧草露懷人秋色到湖煙相逢莫落

芙蓉後白芷青樽客滿船

寄蕭以占太史時校士越中書來訂西湖之約不赴

向來詞賦借山川才子胸中五色煙雲夢綵毫吞八九錢唐

強弩射三千鳥飛霞燄天如鏡客倚芙蓉秋滿船定踏西冷

橋畔月一杯何處喚蓮仙

胡應麟

四首 卷一百一十 應麟字元瑞蘭谿人萬曆丙子舉人有少室山房類

應麟字元瑞蘭谿人萬曆丙子舉人有少室山房類

卷一百一十

四庫總目應麟雖仰承七子餘派而記誦淹通實在隆

萬諸家上故所作為雜之內尚具菁華

無前稍假以年將與日而化矣

野獲篇胡元瑞好使酒一日寓西湖適汪太函司馬

已籤卷六

七

於湖中仲淹來杭王元美伯仲並東南諸名士大會

得登壇北將置吾輩第怒目視時威元啟少保實

目為粗人戚驚避促與度嶺去滿座不歡而罷

物詩選陳師子日元瑞如中賈張肆不皆珍異却無

靜志居詩話長律三百篇輕重都富矣元美哭于鱗

乃之深不禁長言之也詩較一篇專以羽翼言虞

山錢氏詎之太甚觀少室山房筆叢沈酣四部自不

發書元瑞之重以命州歿入發者踵相接莫敢

司馬社也司馬歿諸詞客裹糧入發者踵相接莫敢

其相日二西山房屬王元美為記元瑞著詩鼓附和

此子矣詩品在末五子中可與屠長卿伯仲

破山寺老衲夜談作

一徑入蒼翠飛雲裊裊屯危亭標木末古剝翳松根海月時  
窺牖山風日掃門憑呼野衲至信宿共芳尊

題唐山人蓮葉舟

有序

蓮葉舟輕自學操唐人句也山人輕船湖上悉屏長

年青笠綠蓑悠然獨往

芙蓉花發大隄前六尺沙棠任晏眠南楚舊聞唐勒賦西冷  
重觀白公船吹簫極浦凌風去把釣前灘抱月還二十六陂  
新水漲行吟何處不堪憐

石城曲

踏青無限好江頭二三月恨殺潯陽風吹郎上三峽

已籤卷六

八

送徐茂才

竹窗螢火記當年心折蘭陵繫酒船今日相逢猶有恨西風  
樵悴菊花前

魏允中

六首

允中字懋權南樂人萬厯庚辰進士除太常博士遷

吏部主事有仲子集八卷

兪州山人續稿仲子於詩無所不工五七言律尤其至者大較情真而語道意高而調協不欲以江左之浮藻掩河朔之風骨

列朝詩集懋權翁諸生王元美以兵使行部贈之詩曰還將代興意對酒頌如澗丙子秋試元美偕同官飲於使院戒閣吏曰小錄至非魏允中第一無伐鼓以傳也抵暮鼓發相與譁叫絕倒其賞異如此田按懋權五律疏爽七律調高尚多浮響

周生歸黃州

涼風吹客帆落日過湖南握手空相送離心不可堪片雲縈  
楚岫一葉下江潭何地偏相憶朱家酒夜酣

重陽前日

落葉夜如雨長安寒氣催明朝又重九何處臨高臺白雁成  
行去黃花市徑開天涯有兄弟墮淚滿金杯

王憲臬宰太湖

湖上太湖城湖光一鏡平漁人堂下宿鷗鳥案邊行問俗時  
乘棹臨流日濯纓使君清似水不獨太湖清

秋日同趙夢白顧叔時姜養沖劉厚吾靜修皎如二上  
人遊蓮花池

北闕嗟猶戀東山歸未能朝回頰整駕人外一尋僧花意含  
已籤卷六

九

秋澹波光向晚澄怪來留竟日茲興本難乘

送康裕卿寄暘谷先生

授簡風流滿洛陽青春遊子倦還鄉桃花尙記當年宅荷葉  
堪爲卒歲裳九曲暮雲連雁宕片帆秋雨落錢塘吳門驄馬  
深相憶錦字遙憑寄幾行

送黎員外還京時有祕書之徵

太行春盡促征旌河朔槎迴北斗高白髮主恩仍浩蕩青雲  
客計未蕭騷春風委珮朝丹闕曉日觚棱侍彩毫迴首鳳池  
應萬里思君惟有夢魂勞

李維楨二首

維楨字本甯京山人隆慶戊辰進士選庶吉士授編

修進修撰出爲陝西參議進提學副使累遷布政使  
擢南太僕卿改太常卿未赴召拜南禮部侍郎進尚  
書贈太子少保有大泌山房集一百三十四卷

列朝詩集本謂洪裁豔詞援筆揮灑又能歌賦曲隨以屬厥求者之意其詩文聲價騰涌而品格漸下靜志居詩話本甯如官廚宿餽麋鹿肥麋雖腥臚具陳蠶菘雜進而無當於味田按本甯詩選詞微典不善持擇多陳因之言而披沙採金時復遇寶

銀州

文苑南窗錄云快生其而松爾其莫泰泉與烟大

前旌時隱見石壁轉縈迴流水寒城咽孤鴻遠戍哀山盤光  
祿塞雲鎮赫連臺忽爾風沙合驂驪萬馬來

題畫

隋苑螺橫山黛吳門練曳溪紋石橋糝徑紅雨草閣鈎簾白

已籤卷六

十

雲

吳旦十六首

旦字而待南海人嘉靖丁酉舉人官歸州知州有蘭

皋集

陳文藻南園後五先生集而待師事黃泰泉與歐大任黎民表梁有譽結社南園世稱南園後五先生之一田按而待詩才藻俊麗惜集不傳陳文藻緝五先生詩蘭皋僅錄十餘首余從郭棻嶺海名勝記獲詩五篇亟登之以補其缺

玉峽夜泊聞歌吹聲

江潭月欲上汀州露未重趙女歌正揚越客魂先動玉柱應  
離鸞瑤笙學調鳳窈窕子夜聲悽惻江南弄繁音逐水流哀  
響因風送曲罷夜蒼蒼脚躡人如夢

月溪

玉洞窺無門珠簾不可捲梯峯陟窮嶺刻石臻遙岷蹊參灌  
木入行並修篁轉禪界稍歇堙靈泉猶清淺花凋龍女臺草  
積象王輦二梵行當已三車誰能演藉草停曠蹠相豁英  
眇翠涵岫類滴雲抹林疑剪感運心所懷浩歌興粗造

水鶴舒臺是安期上昇處

蓄賞自玄古飄飄臨紫清流霞帶方島絳雪曜層城飛仙杳  
難冀高臺空復情煙開樹痕碧日湛水華明歲蕤望蜺蓋參  
差聞鳳笙馳齡苟可駐榻來遵遐征

翠峯草堂

對君何處問迢遞草堂深獨坐冥塵慮微吟生隱心孤峯留  
晚照平野帶秋陰庭下栽松樹蒼蒼已滿林

已籤卷六

十一

海珠遊覽

地控鮫人室天回象帝宮寶花紛映水香閣迴臨空剎影江  
鴻觸鐘聲海霧籠戒珠長不滅靈景夜昭融

遊小金山

碧水流無極蒼山望不窮寶花飄象駕珠樹繞龍宮二梵何  
年續三車此地雄心緩坐來絆知在慧門中

曹溪觀盪水石還遇滄師邀酌

山路少蹊徑行吟隨所之偶然閒坐處便是會心時石墜分  
泉口雲過挂樹枝野僧邀共酌不覺忘還期

劉仙巖

裏鳥去何勤靈蹤在白雲穿林樵徑逗過壠石泉分古溜空  
青色孤根剝玉紋嵐霏行處薄花氣坐來薰谷靜聲相答天  
低語可聞怪援垂木末高鳥出人羣未究丹光蹟誰探綠字  
文寄書招隱士此地絕塵氛

峽山寺

招提幽絕處千壑捧珠宮山勢懸疑墜川流曲似窮黃鍾仙  
管寂碧玉妙環空忍草棲靈霧曇花落慧風竈殘泥尚溼丹  
化井猶通夙昔登臨地題詩憶遠公

姑蘇道中

川途紆曲有餘清水國湖田曳槳行震澤蒹葭雲外委洞庭  
包橋望中明煙波尙載扁舟影露葉虛傳響屨聲唯有舊時

已籤卷六

三

春草色年年生遶闔閭城

壓門弔古二首

羌管胡琴一曲歌南人漸少北人多空聞杞女齊城哭不見  
昭王漢水過寶冊有靈浮海島珠襦無主寄煙蘿千年留得  
孤忠在成敗休論奈爾何

誤國由來一字閒上方無劍討神姦虞淵日入誰能取滄海  
龍遊遂不還夜後蜀禽猶迸血秋來湘竹總成斑丹青俎豆  
休明事一簇崇祠幾仞山

九成臺

碧玉闌干壓故基虞皇曾此駐旌旗風篁尙帶絃琴曲谷鳥  
猶呈羽鳳儀二女不來雲黯黯重華何處草離離郡城北望

山如戟落日微茫似九疑

宿南華寺

滿天涼露淨微颺  
向夜疎簾手自披  
明月故人千里共  
白雲禪室九秋期  
齋鐘乍動曉猿續  
塔火初燃落雁知  
一與遠公談諦義  
欲投蓮舍戀眞師

常陪車駕幸甘泉  
少小偏承漢主憐  
日暮羽林傳警蹕  
花驄嘶過禁輿前

文衡山水畫

路入雲林一徑斜  
紅塵飛斷卽煙霞  
江南小隱無多地  
楊柳陰中只數家

李時行

四首

已籤卷六

三

時行字少偕番禺人  
嘉靖辛丑進士  
除嘉興知縣徵授南兵部主事  
有青霞前後集

田按南園後五子青霞差弱

巖居僧

一鉢寄岩石塵喧迴不聞  
小廚分澗水短榻卧松雲  
衣借枯藤補香收野蕝  
焚晚來趺坐處猿鶴自爲羣

不出

不出幾經旬幽栖廢櫛巾  
鳥嘯方覺曙花發始知春  
懶性豈宜俗淨名空累身  
祇便來客少麋鹿自相親

夏日同姚子玉費子文遊雲居寺

蒼煙白石滿空山野寺深藏亂竹間遊客漫隨清磬入老僧  
長對落花閒潭邊宿雨從龍去樹底殘雲伴鶴還盡日臨流  
恣幽賞披襟坐遍石苔斑

寄劉珠江陳中閣黎瑤石

莫向塵氛歎路歧百年心事故人知感時潘岳愁雙鬢出塞  
梁鴻賦五噫洲渚月明潮落早蒹葭霜冷雁來遲悲筋近報  
邊聲急鄉國東歸未可期

已籤卷六

丙

已籤

王世懋十二首

世懋字敬美太倉州人尚書世貞弟嘉靖己未進士除南禮部主事遷尚寶寺丞出為江西參議遷陝西

副使改福建遷南太常少卿有奉常集六十九卷

藝苑卮言吾弟世懋自家難服除後一操風遂爾靈異神造之句憑陵作者唯未為之曰家耳其它皆具體而微吾偶遣信問于鱗漫及之古家亦賦塵而奔咄咄來逼人賴其好飲稍自寬耳于鱗亦云敬美視助甫輩自先驅視元美雁行也嘗取謝句花萼嬰鳴標君家兄弟事未不然耶又一書云敬美乃負包宗含吳之志稱天下事未可量耽耽欲作江南一小英雄尋將火攻伯仁奈何不善備之也其見賞如此

已籤卷七

詩藪敬美古詩歌行勁逸道爽宗吳李謝方之茂如以清空簡遠出之詞直而意婉語淡而致濃

馮元成選集王次公之詩調中集尤佳

閩書汀州南山隈有霹靂巖宋元祐間白晝迅雷一

聲劃開巖洞中有丹竈丹井其旁一石名烏鼻石明

嘉靖中徐中行子與為汀守宗臣子相以臬師行郡

相與飲酒賦詩此中傳為佳蹟王世懋詩云選地偏

多物外情捫碑忽著故人名千秋霹靂開丹竈四面

芙蓉選李舒章云奉常詩如烏衣羣少粗有風格不

足對揚父兄

列朝詩集敬美論本朝之詩獨推徐昌穀高于業二

家以為更千百李何尚有廢興徐高必無絕響其

微詞諷寄雅不欲奉厯下壇坫則其於大美亦可知

也

靜志居詩話敬美才雖不逮拈昆習氣猶未陷溺

田按敬美早年呈于鱗詩云王生落落天地間自言

得和于君還從他百道吳門色我自銜杯望泰山又

讀阮漫入心脾故其朝夕珠玉左太白右仲宣把卷

擷餘始云海內為詩者爭事剽竊于鱗紛紛刻藝至

使人厭又有李何尙有廢興徐高必無絕響之論可謂妙悟惜其才非殊絕不足以副其言耳

### 同俞仲蔚家兄元美登馬鞍山飲

陽鳥下山岑暖暖川上没沙崩石岸出雨積松徑滑疏林時  
映帶遠塔乍明滅興盡宵中還春燈亂明月

### 夜泊芙蓉湖翫月效韋體

今宵仲冬月忽發滄洲興進艇延素光開樽坐清鏡霜含煙  
樹遠塔挂寒山靜何處洞簫聲魚龍夜深聽

### 題沈啟南春山欲雨圖

春光噴薄橫塘渡岩峩吳山不知數誰將片黑著峯頭吹作  
氤氳萬山暮擁樹猶疑隔嶺煙飛花忽斷前溪路背口行人  
畏若濡隴頭新麥思如澍此時元氣何淋漓欲雨不雨天爲

### 已籤卷七

二

疑兩儀坐失玄黃色萬壑爭流蒼翠委樓臺虛入蛟蜃散屏  
嶂倒列芙蓉垂不知雨後更何態最好春山是此時何人此  
意成真賞百年盤礴其人往陽春煙景留尺素真宰蒼茫墮  
雙掌鞭龍驅石事有無胡然合我心神爽鉛華刊盡但墨汁  
出匣看雲把猶溼雨師作使不得休山鬼蘿深夜中泣眉黛  
含鬢鎖不開更如神女怨陽臺莫愁筆底風流盡春半吳江  
棹裡來

兪州山人稿石田畫卷無過春山欲雨圖其源出巨  
然而加以秀潤不作驚風怒雲勃怒戰鬪之狀而巨  
氣在舍吐間峯巒出沒草樹滂鬱類然若玉環醉西  
涼葡萄後將賜溫泉沐浴者卷距今垂百年每一展覽  
覺風格若生墨瀋猶溼真神品也夏日九宜堂與沈  
山人嘉則舍弟敬美曹甥子念相約爲此歌雖咄咄  
賞新語猶自後塵

秋日虎邱同家兄過松墟上人房

叢林日初午飯罷行禪關問道欲無語逢人殊更閒支頤過  
花雨跌坐空秋山回首向來地雲深不可攀

沈道士館訪張山人李時養李是國手

停騶飯深院竟日對薜蘿傲吏玄心近山人幽事多松風煮  
茗入梅雨聽棋過束帶愁歸路高眼奈爾何

贈吳山人孺子

湖海逢吳季孤遊復苦吟身從一瓢老情到五言深天地無  
家闊煙霞有鬢侵翻應笑禽向嫁娶一關心

山陵事畢還宿新井庵作

不道上陵美更堪歸路閒行行近新月步步惜蒼山得枕元

已籤卷七

三

無住攤書欲未還何如歸戍外秋色卧禪關

贈清上人

縱衲欲何適冷然秋色中慧根僧臘少綺障道言空山墮吟  
邊月松來定後風可知王逸少名理讓支公

秋懷

水國縱橫屢氣驕江湖極目莽蕭蕭常平未下司農策征權  
仍聞使者輟是處軍儲空戰伐轉令吾計屬漁樵平生意興  
乘秋盡獨立蒼茫咏大招

秋雨飲惠山秦氏園

卜築誰合勝地專錦屏清鏡落樽前垣扉借綠時時竹石沼  
分甘處處泉欲語花枝當客醉半晴山色奈人憐亦知邱壑

原吾分記取乘春更酒船

需次都下得家兄楚中問并賦新詩奉答

粉署除書頗訝遲武昌魚素正相思里中白雪應稀和臺上

黃金轉自疑莫學楚人深怨別但逢燕市易成悲故園花萼

秋如許苦向人間寄一枝

進忠姪相遇維亭便挽舟從飲明將有秣陵之行即贈

秣陵在何許能作幾時別猶自惜離羣維舟遲明月

送吳山人

山人徐汝甯子與客也嘗遊邵武太守明卿館之茲復適閩

落魄吳郎雅好奇挂帆南下採江蘼樵陽太守能供具兩歲

看山到武夷

高岱十六首

已籤卷七

四

岱字伯宗京山人嘉靖庚戌進士除刑部主事出為

景府長史有西曹集九卷

李先芳東岱山房稿伯宗論古詩取法漢魏近體型範盛唐十二子李杜之外不淆目中駸駸風雅之門牆矣

胡直衡廬精舍藏稟詩不專壞壯貴在神韻伯宗詩豈所謂氣骨神韻兼而擅之者歟

明詩選陳臥子曰伯宗詩沈鍊

列朝詩集伯宗初與李伯宗結社長安進王元美於社中及于鱗諸人鵲起而伯宗左遷去遂不與七子之列伯宗詩體畧與伯承用似而時多矜厲之語開

七子之前茅于鱗詩刪錄伯宗詩甚富蓋亦迫其革路藍縷之勤歟

廖元度楚風補董傳策張翀吳時來疏嚴嵩父子不法狀嵩怒將寘重典伯宗時為刑部郎請大司寇鄭曉輕之獄上戍邊伯宗復為資裝微服送之嵩父子

銜之諷銓曹出為景王長史伯宗多論著有鴻猷錄樵論楚漢餘談

田按伯宗擬古奢於步武其自運諸作豪情逸韻在當時楚人中較吳明卿魏順甫似為過之

短歌行

春日載陽有酒盈觴與子斟酌娛此景光睠彼庭柯對酒高  
歌歲月云邁來日幾何灌木蒼蒼垂蔭蔽野戴勝飛鳴晨夕  
其下邈邈孤雲中天于飛飄風南來逝將疇依河水無梁涉  
之孔艱沈吟自念憂不可殫豈無嘉寶適不我顧安得讌語  
寫此衷懷翩翩倦鳥返於故林感此踟躕悠悠我心我心孔  
悲誰慰我思西山之薇可以療饑

聞胡羅鄒吳四子遊西山予以病不同作此奉簡

聞君入名山信宿尋蘭若結伴俱清狂被服亦容雅諸天聞  
妙香羣木清長夏琴書蘿月侵衣帶松風灑流泉遶枕席山  
雲落杯傘頓令五蘊空更覺萬塵捨我亦靜者流性復喜在  
野抱病獨栖遲勝緣不暫假何時償夙負永結山中社

已籤卷七

五

送蔡若虛赴蘭谿令

寒蟬初鳴芳草歇把酒送君向東越青袍白馬去翩翩雙旌  
曉度燕山月嗟君早擅三楚雄搢來獻賦長楊宮仗劍不辭  
臨遠道意氣直欲凌秋鴻江南此日多風煙樓船橫海俱茫  
然轉輪動地催科速蓬蒿半長逃亡屋壘書拜君君勿輕內  
資保障外干城江湖吳越曾爭霸何事年年遠募兵丈夫立  
功當立奇碌碌簿領非男兒謝玄不遇淮淝寇空作東山一  
布衣

懷李師孟杭州權稅

寂寞憐同調天南一水遙夜寒江閣雨秋色海門潮杪歲腸

堪斷停雲首重翹還朝定何日莫惜寄瓊瑤

秋日閒居

披帙時欹枕焚蘭晝掩關秋聲懸樹杪雨色淨苔斑病以愁  
仍劇官因拙更閒篋中多舊草取次避人刪

餞別于韶子相分韻席間作

對酒那能醉憐君萬里行情牽巫峽迴夢入武夷清世難愁  
俱切悲歌氣未平千金腰下劍解贈莫相輕

送吳明卿再謫睢陽

謫去君何恨栖遲今古同名從遷客重賦以遠遊工駿骨傾  
燕市蛾眉出漢宮黃金臺畔柳折贈意無窮

招李伯承夜過

已籤卷七

六

山東李生久不見篋裡新詩應更多四海論交憐骯髒百年  
搔首共蹉跎端居無那愁心切不飲其如白髮何今夜月明  
天似水可能騎馬來過

魏順甫行汪子正叔飲餞御溝之西予以病不能赴補

作

有客移尊入翠微紅塵車馬隔林扉鳴琴一曲作流水唳鳥  
數聲留夕暉高會獨憐違伏枕故人無那繫征衣西山滿眼  
秋雲白愁見天南一雁飛

送方兆行虞衡赴盧龍別署

東去盧龍塞草青匆匆立馬暫歧亭河山並入吟邊麗草樹  
空餘戰後腥萬里胡天悲曙角百年宦迹感流萍憑君爲問

邊城將可汗何時繫漢庭

春日署中卽事

吏散鴉嗁戶不扃  
淡煙疏霧晝冥冥  
春深藤蔓侵書幌  
官冷苔痕滿訟庭  
客鬢祇從愁裏白  
故山時向夢中青  
花陰柳陌家家醉  
盡倚東風笑獨醒

燈蛾

物性固有癖  
附炎豈我情  
甯投明處死  
不向暗中生

虞

狐兔縱橫久  
高原獵火屯  
霜寒秋草白  
莫負主人恩

省中幽興

蔬盤茗椀飯胡麻  
簿領全稀早散衙  
滿地白雲雙鶴舞  
更從

已籤卷七

七

何處覓仙家

子夜春歌

燕語鶯囀春色殘  
重門深掩碧闌干  
落花滿地無人掃  
腸斷東風不忍看

月夜別宗子相

扁舟南下廣陵湖  
海樹江雲入望遙  
清夜百花洲上月  
一尊何日共吹簫

題扇

青山茅屋寄閒身  
岸柳汀花色色新  
一葉扁舟橫野水  
西風愁殺渡頭人

高啓二首

啓字叔崇岱弟嘉靖丙辰進士官兵部郎中有叔崇

遺稿

出塞

塵色暗遼陽征夫思目傷當樓織機婦應爲理衣裳夢逐鄉

關遠心隨別路長封侯須及早莫遺怨紅粧

郊居卽事

採藥春山獨往抱琴幽徑閒來歸去未妨遲暮柴門月照蒼

苔

李葵十二首

葵字于田內鄉人嘉靖癸丑進士選庶吉士除檢討

改南禮部郎中出爲副使有太史集六卷

已籤卷七

八

四庫總目

李葵集內鄉李氏六人之詩也凡李宗木

杏山集八卷李葵內史集六卷李蔭比部集九卷李

雲鶴侍御集四卷李雲雁白羽集二卷李雲鴻秋羽

集五卷中惟李葵最知名其詩原出何景明故諸李

之詩大抵支雅有法而頗乏深警之思則才分之不

速也列朝詩集本朝以博學聞者莫過於楊用修汝甯陳

耀文招拾用修之謬誤作正楊以駁之于田多藏好

學與耀文相駁著于撰注筆諸書援據該博其持論

多些毀道學譏評氣節而詆譏新建太過言多失實

論篤者弗與也王士禎香祖筆記李于田撰宋菽圃集二十二卷時

出京宿報恩寺同龔美

在隆慶初元海內尊尚李王之派諱言宋詩而于田

獨闢幽扶異撰爲此書其學識有過人者

靜志居詩話于田博洽中州人以擬楊用修而歸田

之後縱情聲伎放誕不羈女優登場至雜伶人中持

板按拍主人知而延之上坐恬然不爲怪去借主

人懋上馬挾女優連騎而去此其狂態更甚於用修

矣詩亦少深思絕句頗強人意

去望君門萬里遙，舊遊方丈話中宵。世途多妬堪銷骨，吏道無媒空折腰。院靜香燈風楫楫，春寒松柏雨蕭蕭。明朝飄轉知何處，夜夢楚江江上燒。

題畫

春水流何遠，春雲煖故饒。柳邊雙燕子，時觸最長條。

嘉靖宮詞

歷歷金吾樹影繁，瑤壇鐸鼓動黃昏。迎和門外燈如晝，內直諸臣夜拜恩。

沈水龍涎徹夜焚，桂宮芝館結祥雲。壇前纔布諸天位，苑外先催學士文。

玉貌終年侍禁闈，每逢時節賜金緋。君王不愛纖腰舞，裁作

已籤卷七

九

雷壇拜斗衣

田按永陵用陶仲文言，建雷壇於太液池西，曰雷霆。洪應之殿有壇，有城有轟雷軒，有肅風虛雪靈雨輝電之宅，有清一齋，有寶淵門，有靈安精馨輔國演妙之室，有八聖居，有馭仙次，各懸以額，又別建疑道雷軒，帝晝日常御之。

小車飛曳向玄都，殿名翠羽金翹笑自扶。玉螭橋邊長日占內

璫，爭買大秦珠。

泥金檢玉祝長生，萬國封章止進呈。月滿西宮更漏永，九重

風落步虛聲。

霞帔星冠赤錦條，玉熙宮裏薦仙桃。天王親捧瑤函拜五色

龍光生袞袍。

世廟識餘錄：上夜坐庭中，御惺忽獲一桃，左右或見，桃從空中墮，上大喜，曰：天賜也。修迎恩醮五日，明日

復有一批降

考鼓吹笙送上清醮壇將罷日初生太平元老偏承龍召聽  
鈞天廣樂聲

十五宮娥鬢髮青霓裳初著性偏靈百花叢裏春風靜學誦  
玄門諸品經

望彌臺

飄零湖海笑浮萍一宿雲房尙未能春水泠泠秋樹冷斜陽  
影裏弔孫登

戲題

一自封書別建章荷衣常惹蕊珠香逢人白眼唱歌去笑入

西陂秋水長

已籤卷七

十

李蔭一首

蔭字襲美蓼弟嘉靖甲午舉人授陽穀知縣改宛平  
遷刑部主事有比部集

玉筍詩談李襲美所著有李陽穀詩吏隱軒詩話有  
句云雙鬢漸於驕旅白一樽還對假山青

劉侗帝京景物畧古墨齋在宛平縣署萬厯初內鄉  
李公蔭令宛平發地得杜礎六徽平縣署萬厯初內鄉

李北海雲麾將軍碑也碑存百八十餘字碑首存唐  
故雲三字公因築小室砌碑壁間曰古墨齋時貽李

言恭有詩紀事云蒼撫史籀不可起蝌蚪鳥迹今已  
矣書苑千載尊鍾王乃有北海接其軌秀勁首推雲

塵碑當年落筆風雨隨何人擊冰成柱礎神物終爲  
造化秋歲歲委置荆榛裏瓦礫斷霜竟誰視數字模

糊苔藓封雙螭斷缺斤斧毀五黨好古有李侯忽焉  
搜致如琳瑯一朝置向高齋壁拂拭光芒動斗牛李

侯邀我把酒看白日高堂氣自寒人生屈伸亦如此  
屈於不知伸知已

歷下弔李滄溟先生

絕代騷人土一邱大招何處下靈修蛟龍夜護滄溟穴風雨  
秋生白雪樓美玉獨增和氏泣遺文應有茂陵求隴雲不鎖  
東門道峭華山高起暮愁

張鳳翼

二首

鳳翼字伯起長洲人嘉靖甲子舉人有處實堂集八

卷

鳳翼字伯起長洲人嘉靖甲子舉人有處實堂集八

四庫總目鳳翼才氣亞於其弟獻翼故不似獻翼之狂  
誕而詞采亦復少遜

靜志居詩話伯起好填詞梨園子弟多演之然俗筆  
耳其弟叔貽詩亦庸庸惟幼子小有才然亦頽惰自  
放而吳人之諺比於四皇甫論其工拙判若雲淵矣

客自江右相尋爲我鼓琴

故人千里月濁酒百年心從我張銀燭勞君鳴素琴風塵俱

已籤卷七

七

落魄山水獨知音末路傷疇昔寒霜滿鬢深

戲王妹禮大茅峯

獨尋仙嶠問三生一縷心香豈世情試展霓裳供法曲應教

妬煞董雙成

張獻翼

二首

獻翼字幼于更名枚鳳翼弟國子監生有文起堂集

十卷

弇州山人續稿幼于五七言近體皆佳而七言尤自  
錚錚態度都雅音微清熾時造真境七言古絕似高

岑而間有費力處押仄韻少操吳音白璧之小瑕也  
列朝詩集幼于與皇甫子循暨黃姬水徐縉刻意爲

歌詩於是三張之名獨幼于藉甚好易十年中箋注  
凡三易做顏氏家訓教戒子弟垂四萬言好遊大人

狎聲伎以通隱自擬築室石湖鵬中祀何點兄弟以  
况焉晚年與王百穀爭名不能勝頽然自放與所厚

善者張生孝資相與點簡故籍刺取古人越禮任誕之事排日分類傲而行之或紫衣挾伎或徒跣行乞遨遊於通邑大都兩人自爲傳侶或歌或哭幼于贈之詩曰十年分義深相見心莫逆還往不送迎抗手不相揖荷鍾隨吾行操觚並吾乞中路餽吾漿攜伎登吾席蒿里聲漸高薤露歌甫畢子無我少雙我無君卒匹每念故人及亡伎輒爲位置酒向空酬酢孝資生日乞生祭于幼于孝資爲尸幼于率子弟哀麻環哭上食設奠孝資坐而饗之翌日行卒哭禮設伎樂哭罷痛飲謂之收淚自是率以爲常萬厯甲辰年七十餘攜伎居荒圃中盜踰垣殺之

### 五言五句傷春

薄暮動絃歌桂楫泛中河破鏡不重照落花難上柯春盡欲如何

### 春閨病起和黃得之先生

佳氣抱房櫳年華自不窮山將眉合翠花傍鏡飛紅曉色羅衣上春愁燕壘中猶憐芳樹下無力倚東風

### 已籤卷七

七

### 七夕同趙今燕賦

翠帳紅妝送客亭佳人眉黛遠山青試從天上看河漢今夜應無織女星

本事詩今燕名彩姬與馬湘蘭同時幼于賦此詩一時傳之由是今燕名重北里

### 張燕翼一首

燕翼字叔貽獻翼弟嘉靖甲子舉人

### 皇甫司勳席送徵君還山

開館招詞客啣杯對夕暉別筵秋氣入蕭寺故人稀細雨飛歌扇涼風動舞衣獨憐歡賞後惆悵欲言歸

### 蘇濂一首

濂字子川濮州人尚書祐子以蔭除鴻臚署丞歷南

光祿署正出為鞏昌通判有伯子集十三卷

海嶽靈秀集鴻石詩俊雅宏壯視厥弟為尤

雜詩

龍且輕韓信劉歆陋揚雄貴耳古已然吹聲今成風  
襁褓讀古書志士甘固窮疇能察其端延譽諸王公是非久乃定嗟哉彼狡童

蘇澹 一首

澹字子冲濂弟嘉靖乙酉舉人有仲子集七卷

背面美人

抱得琵琶下玉除湖山背立溜犀梳傍人欲見春風面但道

已籤卷七

七

蕭郎有寄書

背面美人

蕭郎有寄書

背面美人

蕭郎有寄書

蕭郎有寄書

蕭郎有寄書

背面美人

蕭郎有寄書

蕭郎有寄書

蕭郎有寄書

明詩紀事

賈陽陳 田輯

四錄

瞿景淳 一首

景淳字師道常熟人嘉靖甲辰第二人及第授翰林編修歷侍讀左諭德侍讀學士掌院事改太常卿領南祭酒就遷吏部侍郎召拜禮部侍郎贈尙書諡文懿有文懿集二十一卷

秋懷

芳桂苦不實崇蘭無久榮寒蛩會我意唧唧階前鳴哀哉食鄙徒忘身殉利名高臺忽以圯曲池突以平吾今且休卧道

已錄卷八

遙學無生

朱曰藩 十五首

曰藩字子价寶應人參政應登子嘉靖甲辰進士除烏程知縣徵授南刑部主事改兵部再改禮部歷員外郎中出爲九江知府有山帶閣集三十卷

四庫總目曰藩詩穠麗得楊慎之一體

山帶閣集序楊升菴云射陂子取材文選樂府而憲章於六朝初唐不事蹈襲不煩繩削可以鳴世藝苑厄言朱子价如高坐道人袂衣躡屐忽發胡語四友齋叢說朱射陂七言律學溫李者可稱入律明詩選陳臥子曰子价跌宕輕俊自賞嘉靖戊午已列朝詩集子价詩風華於南主客何元朗在翰林金在衡陳九臬未聞子价在南主客何元朗在翰林金在衡陳九臬黃涪甫張幼于皆僑寓金陵留都人士金子坤盛仲交之徒相與選勝徵歌命觴染翰詞藻流傳蔚然盛事田按子价父升之羽翼李何子价則步趨楊升庵子

价有人曰草堂詩引云升庵先生在江陽以畫像寄  
我白下揭於寓齋日久虔奉如在兩丈嘉靖己未八  
日西域金子大輿東海何子良俊吳門文子伯仁黃  
子姬水郭子第秣陵盛子時泰顧子應祥相約過余  
觴之齋中齋南嚮先生像在壁間諸君不肯見餉  
各東西席如侍側之禮比邱圓闕注中洽焚見餉  
得陽美貢茶一角烹泉爲供以宣厭注之楚沈水香  
於鑪作禮畢就坐各噴噴數回幸甚今日乃得觀升  
菴先生文子曰今日之會奇矣子當作人日草堂圖  
以寄先生子欣然拊掌因歌入闕散諸君請各賦一篇并寄  
故人思故鄉之句作八闕諸君請各賦一篇并寄  
先生見吾輩萬里馳仰之懷子乃爲之引子价詩云  
開歲苦陰陰花枝入夜新眾星欣有月七日况逢人  
水品中冷晨香燒南海純形相俱滿意紙筆爛生春  
黃清甫詩云一勺名泉手自調子筵香肅夜遙遙春  
生寤寐虛雙鯉萬里容輝挹片綃學海鏡誇天閣祝  
春心欲託帝巫招芳樽潦倒郎官舍江芷泉蕭雨未  
消郭次甫詩云先朝金馬重文章三十餘年適掉鄉  
共美史遷納石室誰憐賈傅老瀟湘披圖月就笠陵  
墮飛夢雲牽玉壘長方外遊蹤意不繫欲將瓢笠問  
江陽盛仲交詩云日寒多雨意低治城春色柳條  
齊梅開東閣斜穿檻潮過西洲亂入溪天末丰神勞

已籤卷八

二

露筋祠

夢寐壁間邱壑有詩題碧雲回首人千里巴水東流  
援夜嘯金子坤詩云人日梅花自可憐折來誰爲寄  
西川入行欲附銅魚使四海爭謠白雪篇瀆水山川  
增氣色錦江花柳隔風煙何時一棹穿巫峽得才揚  
雄問太玄子价詩如烏衣子弟風流自賞自是才人  
標致

水殿不生塵荷花作四鄰乞靈巫媪醉失歲野畦貧行雨豈  
堪賦分風又送人前林霜月白千古見清眞

將入雲中作

只尺分胡地崎嶇出漢關敢云杖馬筆聊得視刀鏤蘆捲邊  
聲苦楓經戰血殷今宵看太白一上紇千山

贈二谷參省之廣東一首

牛首南郊寺梅花西塞泉梅林同繫馬香閣互談禪城闕空

多事江山自往年相思一收睫到處是諸天  
揚越東南盡朝臺一振衣天晴諸島出秋燠緒風微銅柱馬  
人集冰絲蛟女機尊前荔子色偏映使君緋

臨春曲

閣上張星舊在天閣中璧月夜仍圓雲歛宿鬢初臨鏡風研  
乾紅未襲箋兩臂舞釵金阿那一聲歌樹玉嬋娟君王萬歲  
歡無極肯信江花易夕煙

至北舍作

廬舍疆場步步新誰披平地出荆榛旋呼斗酒會鄰曲便揖  
雙墩論主賓井稅未輸須晚稼魚陂盡展入寒蘋洛陽一頃  
元知足季子何心復怨秦

已籤卷八

三

樓居值雨

高閣凝香晝寂寥秋陰不散氣蕭蕭海田已沒綠草蕩淮南  
猶添白馬潮望裏三山那可往愁邊雙樹暫相饒孟公酒興  
年來劇誰把鴟夷一見招

秋閨怨

合歡樹上烏欲棲空房織錦竇家妻遙遙夜夜誰能奈三三  
五五並相攜鏡花對影慚雙笑燭淚分行伴獨唳莫道回文  
能妙絕陽臺雲雨隔安西

邵伯道中

去日流火來肅霜蒹葭大澤鳴鶉鷓龍已卧忽人立瘴山  
將盡如眉長古寺斷碑羅尹偈碧灣丹樹謝公棠舵樓北望

風煙直好共乘春早雁翔

九日高座寺同少峯兩江二長卿納言石川張公憲使

仲山王公餘峯張公作

省中疏雨點朝陽退食邀賓石子岡高座道人元卓朗過江  
諸老每相羊荒臺不見茱萸女清梵猶傳孔雀王薄暮海氛  
銷欲盡爲君更盡萬年觴

贈下虛樓之任廣省

越王臺上海氛收荔子椒花媚遠洲廣府人傳五羊舊下家  
君是六龍優到官先入紅蓮幕按縣應尋碧玉樓二十七峯  
秋色裏相思寄我小羅浮

贈吳之山時之山將遊南滁

已籤卷八

四

京兆詩雄吳長公烏巾白帽古人風有時恚怒發座上獨出  
歌謳行道中謂我淮陽粗擷管與君江海共飄蓬環滁酒熟  
濠魚美豐樂亭前禮醉翁

雲中樂

塞門楊柳未經霜錦帕貂裘馬上裝帶得相思出關去銀釵  
嶺上斷人腸

滇南七夕歌 二首

予少日遊滇南見其土風每歲七夕前半月人家女  
兒年十二三以上者各分曹相聚以香花水果爲供  
連臂踏歌乞巧于天孫詞甚哀婉暇日因採其意爲

滇南七夕歌

高倚銀河搭綵樓女郎三五對拋毬拋罷繡毬無氣力鸚哥  
花外月如鉤

一宵爭抵一年長猶度金鍼到繡牀天下眞成長會合昆明  
池上兩鴛鴦

徐學詩 一首

學詩字以言上虞人嘉靖甲辰進士授刑部主事歷  
員外郎中以劾嚴嵩被杖削籍爲民隆慶初起南通  
政參議贈大理少卿有石龍菴集四卷

田按以言劾相嵩被杖削籍爲民例須向禮部除名  
戶部注籍日暮負創疾馳出都知交無從者俄聞有  
策蹇明吟去國一身輕似葉高名千古重如山者乃  
謝茂秦也茂秦豪氣可以挽末世澆薄之風

薊北秋懷

已籤卷八

五

搖落層臺上蒼涼四望孤暮雲低斷壘秋色淡平蕪向夕羊  
牛下迎風鸛雀呼歲華看又晚壯志惜長途

邱秉文 一首

秉文字鳴周莆田人嘉靖甲辰進士除永嘉知縣徵  
授刑部主事遷光祿寺丞有州峯集

懷方君敬員外

爾從扶侍下荆門明月千山響夜援秋盡蒼梧悲帝子春來  
芳草怨王孫座中北海客常滿牀上南華帙幾翻司馬祇今  
消渴甚誰憐詞賦滯文園

魏文煥 一首

文煥字德章侯官人嘉靖甲辰進士累官廣西按察

使有石室祕鈔五卷

匡廬天池寺眺望

鴻造肇名山巨靈運神擘勢接南斗懸影落明湖碧聯綿控  
九疑沿洄瞰七澤緬邈洪厓子鍊精留窟宅中有青蓮池神  
髓流丹液我昔夢遊之茲焉恣所適深巖半銜日鳥道斷行  
迹雙劍倚蒼穹飛瀑灑青壁黛色淨林巒煙容變朝夕泠泠  
松壑鳴杳杳人寰隔元覽懷遠公勝事謝往昔凌晨別松關  
回首片雲白

趙鉞二首

鉞字鼎卿桐城人嘉靖甲辰進士除刑科給事中進  
吏科都給事中遷南太僕少卿以僉都御史巡撫貴

州有無聞堂稿十七卷

六

四庫總目鉞學出姚江主良知之說文頗磊落自喜亦  
微近七子之派

瑯琊寺

乘輿山行六七里蔚然深秀是瑯琊迸泉百道常疑雨芳樹  
千林不辨花白首何緣來洞壑青山更喜入官衙酒醒遍歷  
磨陀嶺東晉樓臺隔暮霞

題秋亭畫

亭臬木葉黃露滴瑤階溼坐待月華生捲簾放秋入

李萬寶三首

萬寶字少虛南豐人嘉靖甲辰進士授行人進刑科  
給事中改南出爲廣東僉事遷浙江副使有崇質堂

集二十卷

四庫總目萬賞傳姚江之說其文體平正不事錘鑿猶講學家之格詩頗學韋柳意取清妍雖風骨未就而姿致可觀  
田按少虛詩有蕭爽之氣明人講學者有此一派

麻姑山

麻姑之山高嶮嶢瑤壇瓊宇摩霄峰頭冉冉駐鶴馭花外  
時時聞鳳簫石函素檢霧長護井浴金丹氣未消羽翰信能  
遺世網鹿門端合赴佳招

宿軍峯最高處

倒盡松瓢卧石壇滿天星斗醉中看覺來一枕碧山夢落月  
滿身風露寒

宿建昌縣隆道觀

已籤卷八

七

黃雲古木山中臺洞門端爲山人開夜誦藥珠三百過一雙  
白鶴過江來

陳全之一首

全之字粹仲閩人嘉靖甲辰進士累官山西參政有

夢宜山人集

宋高宗鸚鵡

隴山鸚鵡說還鄉中貴傳宣出禁牆漠北有人歸不得思鄉  
愁比隴山長

胡安一首

安字仁夫餘姚人嘉靖甲辰進士累官苑馬寺卿有

趨庭集

秋日卽事

流螢飛復下照我獨坐時秋風不解意吹汝到前池

劉景韶二首

景韶字子成崇陽人嘉靖甲辰進士除潮陽知縣徵

授刑部主事改兵部歷郎中出為貴州僉事進參議

遷副使以右僉都御史巡撫鳳陽有燕臺秋蛩太白

原稿

甌甌洞橐子成諸篇大自俊逸

楚風補子成始為郎聲聞七子間

湖北詩徵傳景韶詩步武于鱗王元美為作序頗有微言而元音亮節自不可掩

贈謝一經

當代推韋布相逢說謝榛詞壇今得汝綵筆更凌人衝斗藏

已籤卷八

八

雄劍投沙弔楚臣干尋標玉樹豈復混風塵

世宗皇帝輓章

金鼎藥成龍已化碧霄香滿鶴空搏從今萬歲齋壇鎖不見

真人戴玉冠

張才一首

才字茂參西安衛人嘉靖甲辰進士授戶部主事歷

員外郎中出為僉事

藝苑卮言張茂參如荒儉渡江揖讓簡畧故是中原

門第

四溟詩話子容都門雪夜同張茂參劉成卿二計部酌酒談詩茂參曰賈舍人早朝詩及諸公和者可能

定其次第否子曰成卿世之宗匠蓋先定之成卿曰論其一二王其二也岑其三也賈其四也子曰子所論詎敢相反顛之倒之則伯仲叔季定矣賈則氣渾

調古岑則詞麗格雄王杜二作各有短長其次第猶

是一輩行或有擬之者難與爲倫茂參曰使諸公有知許誰爲同調耶  
靜志居詩話元美評茂參詩比之荒倉渡江茂參之言曰自六義輟講而詩教寢衰五傳異觀而文體漸壞今昔殆不相及矣務艱者氣鬱而不伸樂易者神瀉而弗耀侈博者意累而靡潔至或思不通駁而極貌摹倣識未周洽而委心剽斂支展勿經踳駁可厭篇帙雖富豈足稱哉其意亦似不滿於歷下瑯琊二子度其集必有可觀而惜其罕傳里有姚叟潯曾問牧齋宗伯茂參何名牧齋不能答則其論詩之旨聞之者益鮮矣

### 過鄴訪謝茂秦

十年作賦共京華一別關山道路賒  
謝眺詩名驚海內張衡宦迹滯天涯  
月明鄴館愁爲客雲隔秦山苦憶家  
知已於今君尚在未應白首向人嗟

吳桂芳一首

### 已籤卷八

九

桂芳字子實新建人嘉靖甲辰進士授刑部主事改禮部歷郎中出爲揚州知府歷浙江布政使以僉都御史巡撫福建改鄖陽進右副都御史總理河道未任進兵部侍郎提督兩廣軍務尋召入以病歸旋起故官總督漕運兼理河道進工部尙書贈太子少保

### 滕王閣

君王歌舞地危閣傲西風夕幘連雲碧煙江落日紅  
高文存大雅麗藻見天工檻外孤霞起爭誇賦筆雄

劉鳳一首

鳳字子威長洲人嘉靖甲辰進士除推官徵授監察御史左遷興化推官遷河南僉事有澹思集十六卷

太霞集

明詩選陳卧子曰子威厚深雅瞻不僅涉顏謝之藩  
但意存獨造頗傷冗仄耳豈遽出宗梁下而元美比  
之檜後恐乖公允  
列朝詩集子威博覽羣籍苦心鉤索著騷賦古文數  
十萬言觀者驚其繁富憚其奧僻相與駭掉慄眩望  
洋而歎以為古之振奇人也嘗試為之解驗疏通一  
再尋繹肌劈理解已而索然不見其所有矣余嘗得  
子威所誦讀遺書觀其丹鉛考索大概於篇中擬句  
於句中擬字自一字至數字而止如唐人所謂碎金  
蒼最者耳其有所撰述也累僻字而成句稍順更  
刺僻字以蓋之累奧句而成篇句稍順更擴奧句以  
竄之而字之有訓故句之有點讀篇之有段落固茫  
如也何堆積晦昧詰屈求如近代之江宜爰李滄  
溟且不可得而況於古人乎韓子曰降而不能乃割  
賊子威其剽賊之最下者歟  
江左勝談劉侍紳子威好為詰屈聲牙之文吳人推  
服之無敢後下士袁景休每向人抉摘其字句鉤棘  
文義紕繆者以為姍笑子威聞之怒訴於邑尉攝而  
笞之尉數之曰若敢復姍笑劉侍紳文章耶景休仰  
而對曰民甯再受笞數十終不能改口否舌妄諛劉

已籤卷八

十

侍御也  
靜志居詩話子威詩襲績纂組節節俱斷俾讀者茫  
然如墮雲霧中

擬謝石壁精室還湖中

山川異景氣昏旦生煙雲煙雲亦多姿映蔚沓不分稅駕始  
山麓舉棹發湖濱巖陰尙含靄谷口欲微曛盡擁洲島趣披  
薄沚藻文澄光挹澹澹撫化情欣欣起陵踰世表高揖謝人  
羣寓賞非至理信已無紛紜

余文獻一首

文獻字伯初德化人嘉靖甲辰進士除兵部主事歷  
員外郎中出為浙江參政有九匡集

廬山歌贈何吉陽

匡廬山頭白玉臺丹砂瑤草錦屏開海門西望孤飛鶴遲爾  
謫仙天上來

任環一首

環字應乾長治人嘉靖甲辰進士除廣平知縣改沙  
河滑縣遷蘇州同知擢僉事進山東參政贈光祿卿

有山海漫談三卷

靜志居詩話倭人入犯任公大小數十戰功最多詩  
待其奇興然亦明淨

金山九日

佳節逢重九孤蹤寄海涯自憐猶墨綬多病已黃花欲問南  
來雁那堪靜夜笳更深眠不得移枕聽嗷鴉

劉爾牧一首

已籤卷八

十一

爾牧字長民一字成卿東平人嘉靖甲辰進士授戶  
部主事歷員外郎中以言事忤嚴世蕃廷杖削籍有  
堯麓集

妾薄命

自憐妾命薄敢怨主恩移邁此萋菲日能忘歡樂時秋風難  
再熱落葉不勝悲獨有高樓月流光與恨隨

徐文通一首

文通字汝思永康人嘉靖甲辰進士授刑部主事歷  
員外郎中出爲山東參議遷副使有徐汝思詩集

藝苑卮言徐汝思如調鷹兒擊鷲故難獲解  
滄州山人稿汝思詩如登岱雲門汎海諸篇風颯乎

有古遺響焉  
金華詩錄汝思七律是王李社中語

送俞憲使之湖省

紫省多年並海濱，駢駢何處動征輪。楚天舊識乘驄客，湘水重逢作賦人。雲外帝星雙闕曉，樽前黃鶴十洲春。懸知別後能相憶，為向襄陽覓隱淪。

王宗沐一首

宗沐字新甫，臨海人。嘉靖甲辰進士，授刑部主事。歷

員外郎，中出為江西副使，累遷山西布政使，改廣西

山東，以右副都御史總督漕運，兼巡撫鳳陽、遷南刑

部侍郎，召改工部，再改刑部，贈尚書。天啟初，追諡襄

裕，有敬所文集三十卷。

列朝詩集：新甫在比部時，王元美所謂與同舍郎王新甫、吳峻、伯袁履善進余於社者也。元美詩評云：新

已籤卷八

甫齒最卑，最擅曹中稱，自謂得初唐末易許也。

寄李一吾在告

蚤歲相期共挂冠，俄傳疾足竟爭先。十年名在甯俱隱，萬里身輕始自全。如縷茶煙依竹試，半痕紋篔傍花眠。馳驅祇恐雄心在，對酒休歌伏櫪篇。

江珍一首

江珍字民璞，歙人。嘉靖甲辰進士，除高安知縣，徵授禮

部主事，遷南兵部郎中，出知廣信府，歷江西副使，浙

江參政，按察使雲南，布政使改貴州，有華委堂集。

卽事

東南生事近全稀，况復頻驚羽檄飛。不惜千金募壯士，誰能

一箭解重圍側身天地徒揮淚回首江鄉何處歸推轂喜逢  
新節制早銷烽火答垂衣

蔣孝一首

孝字維忠武進人嘉靖甲辰進士官戶部主事

國雅戶部才情綺麗頗任俠氣早歲罷官放浪自適  
築山穿池每臨賞輒酣暢忘返

送顧九華還江東

對君賦碧草送君靈山東白馬盤雕鞍驟裏嘶長風路旁柳  
枝綠堪折下馬當筵贈離別後夜與君相憶時不獨江南有  
明月

汪一中一首

一中字正叔歙人嘉靖甲辰進士授工部主事歷員

已籤卷八

三

外郎中出爲江西副使閩廣寇至戰死贈光祿卿諡

忠愍有南華山房集

潞河追送吳明卿

暗柳迷征路飛花滿去津潞橋分野色幽獨正愁人湖海多  
遷客乾坤有戰塵試看今日事何處不傷神

姜良翰一首

良翰字希申金華人嘉靖甲辰進士授南大理評事

擢禮科給事中出爲廣東參議改山東進福建按察

使遷廣東布政使有詩文集二十卷

過釣臺

何來一片雲覆此雙釣石不見垂竿人空潭映秋碧

馮熊一首

熊字伯祥金華人嘉靖甲辰進士授工部主事出為

廣州知府

無題

披衣卧明月潛聽江南弄未會美人心和衣不成夢

馬繼龍十一首

繼龍字雲卿保山人嘉靖丙午舉人官南兵部員外

有梅樵集

滇南詩畧梅樵五律清穩七律風流跌宕一往情深田按梅樵詩流傳僅有鈔本五七言近體聲調流美有彈丸脫手之妙保山袁文典輯滇南詩畧六詔詩流賴之以傳雲卿其一也

入蜀

已籤卷八

函

出處天難定行藏自不知忽驚身是客已覺鬢成絲霜夜征

鴻遠秋風瘦馬遲宦情休說冷山水是襟期

昭烈祠

隱隱城南樹荒臺何代邱二分當未運一綫繫炎劉古壁苔

空綠寒溪水自流摩碑嗟往事風雨併生愁

草堂漫興

老去羞彈劍貧來學種蔬草堂三徑菊茅屋一床書只此浮

生足從前世味疏肯因升斗計猶自費躊躇

瀾滄江懷古

孤江鐵索跨長虹鳥道從天一綫通樹響龍來陵谷雨山空

猿嘯石樓風百蠻南詔襟喉地萬木荒祠鼓角中象馬年來

歸貢賦土人猶說武侯功

雨中憶梁大峨

大江東望水雲浮，幾度懷人獨倚樓。  
老去功名成畫餅，向來天地一虛舟。  
鏡中華髮添新恨，夢裏青山憶舊遊。  
鴻雁忽來秋正杪，錦官風雨滿汀洲。

懷兄弟

楊柳津頭別雁羣，殊方音信隔年聞。  
客邊久病愁聽雨，江上思家獨看雲。  
香到籬花秋欲暮，夢回池草夜初分。  
故鄉歸去知何日，同醉花前向夕曛。

次韻答梁大峨

桃花開盡柳花香，十里城南處士莊。  
煙樹萬重開島嶼，水雲

已籤卷八

五

一派見瀟湘，園遮紫筍爲籬。  
落地長黃精，作稻糧睡起曹騰。  
無別事看山，日日到斜陽。

雨中漫述

芙蓉城上雨霏霏，濁酒清吟獨掩扉。  
澤國水寒雲不散，江天風急雁孤飛。  
十年彈鋏無人識，千里思鄉有夢歸。  
世味從來渾噲蠟，生涯還憶故山薇。

再寄邵纓泉用玉洲韻

五華城外有滇池，一託萍蹤住幾時。  
潮落海門秋瑟瑟，夢迴江上草離離。  
百年憂國常看劍，千里懷人獨賦詩。  
木脫霜飛寒又至，山中猿鶴怨歸遲。

用韻自述

看花猶記少年時轉眼而今兩鬢絲負郭無田惟有債杜門  
少事卻多詩水亭帶雨移新竹藥圃鋤雲種紫芝冷煖不須  
悲世態絕交久已謝相知

夏日喜晴

北窗睡起獨登樓碧樹含煙宿雨收高柳蟬聲初入夏澄江  
風色似深秋青山流影侵書案白鷺分飛狎釣舟莫道故園  
歸未得平蕪一望卽滄洲

梁柱臣一首

柱臣字彥國廣州順德人嘉靖丙午舉人官刑部員  
外有集

京邸訪歐楨伯

已籤卷八

夫

春來聞爾客長安尺素空傳欲見難此日風塵欣把袂明時  
詞賦獨登壇吟邊景物年華暮戰後河山暝色塞官拙自傷  
寥落久故人猶爲罄交歡

夏日喜晴

張母顏融交入已過林映

人車吟楚詩水亭帶雨移新竹藥圃鋤雲種紫芝冷煖不須  
悲世態絕交久已謝相知

已籤

張居正 六首

居正字叔大江陵人嘉靖丁未進士改庶吉士授翰林院編修遷右中允領國子司業事改侍裕邸講讀歷右諭德侍講學士領院事遷禮部侍郎改吏部兼東閣大學士參預機務進禮部尚書兼武英殿大學士加少保柱國兼太子太保太子太傅改吏部進建極殿大學士加少師兼太子太師特進中極殿大學士左柱國加太傅太師贈上柱國諡文忠尋奪上柱國

已籤卷九

國太師再奪諡削秩籍其家天啟初詔復故官有太

岳先生集六十四卷

穀城山館文集江陵彈精畢智勤勞於國家陰禍深機結怨於上下當其柄政舉朝爭頌其功而不敢言其過今日既敗舉朝爭索其罪而不敢言其功皆非情實也

馮元成選集江陵在事振綱肅紀修內攘外使天下晏然如覆孟不可謂無功其苞苴餽遺多却而少受不可謂黷貨惟是好攬權而喜附己則於賢者若擲沙遺藩而莫之恤於佞者若醴悅羶而賢者之厭故一時舉措多拂人意又其交內豎以固位進珍玩以希寵甚非大臣之道至於奪情拒諫鼎甲其子而名行大墮人心大失矣

田按江陵作楊襄毅墓誌云公在本兵久徧歷諸鎮躬履戎行練習邊事余每從公問今中國所以制禦夷狄之策及九塞險易將士能指諸掌故余在政府措畫邊事蓋得之公為多又云一日之內神遊九塞者再三宰臣不如此安能禦外侮其九塞稱臣詩云幕南秋色靜王庭月滿邊關夜不扃真稱心語

恭題文皇帝四駿圖

龍駒 鄭村壩大戰胸著一箭都指揮丑丑拔箭  
天馬徠翼飛龍蹶削玉耳垂筒碧月懸雙頰明星貫兩瞳文  
皇將士盡羆虎復有龍駒助神武流矢當胸戰不休汗溝血  
點桃花雨壩上摧鋒第一功策勳何必減元戎君不見虎士  
標題麟閣裏龍駒亦入畫圖中

赤兔 白溝河大戰胸著一箭都指揮亞失帖木拔  
箭

雷鎬鎬北軍來赤兔走黃雲開攬身超夾澗策足絕浮埃白  
溝原頭振鞞鼓貫陳穿營猛如虎穆王八駿詎爲奇昭陵六  
馬應難數百戰間關未解鞍箭瘢還向畫圖看只今四海昇  
平日誰識當年締造難

已籤卷九

棗騮 小河大戰著兩箭胸一箭後右曲池一箭安  
順候脫火赤拔箭

紫騮馬金駱月朝刷燕晡秣越傲儻權奇超驥走滅沒當年  
萬馬盡騰空就中紫騮尤最雄戰罷不知身著箭飛來祇覺  
足生風北風獵獵吹原野長河冰漸血流赭誰言百萬倒戈  
中猶有彎弧射鈎者

黃馬 靈璧縣大戰後右曲池著一箭指揮鷄兒拔

箭

軒后興應龍翔駕天駟乘飛黃迴頭看紫鸞顧影失超光君  
王神武古來少萬里煙塵一劍掃馬蹶蹴處山爲摧何論陳

暉與平保揚鞭渡淮水清金陵父老壺漿迎從此華陽休  
駿足山河重整泰階平

筆塵萬歷丙子上於禁中檢得成祖四駿圖以賜相君四駿者成祖用兵所乘也相君爲題詠奏之上悅

賜金田按四駿圖詩見太岳集穀山筆塵所云相君題詠奏之卽指此四詩竹垞詩綜誤屬之王文端余檢文端集亦無此詩

山司徒

巨源江海情本欲全高尚瀟灑秉樞軸疇能測弘量密識旣  
淵沈清心亦玉亮談笑獎人倫千齡稱哲匠

孝恪皇太后遷耐輓歌

毓聖恩無極遊仙夢不歸載逢玄隧改重念紫宮違帳殿松  
陰合鈴歌薤露晞永陵原上月今夕見重暉

已籤卷九

周思兼

一首

思兼字叔夜松江華亭人嘉靖丁未進士除平度知  
州徵授工部員外進郎中出爲湖廣僉事以憂歸起

廣西副使未赴卒有叔夜集十一卷

田按叔夜文筆矯健詩乃平衍亦才有短長耳

馮鍾山移居天馬山

問君何事耽邱園數畝清陰花竹繁片帆來往浦雲溼孤嶼  
微茫江月翻春深幾時共攜酒山靜有人頻叩關林泉風物  
總堪隱豈與朝市爭脛隨

王樵

一首

樵字明逸金壇人嘉靖丁未進士授行人遷刑部員

外出爲山東僉事以疾歸起浙江僉事擢尙寶卿改南鴻臚卿尋罷歸再起南太僕少卿歷光祿卿大理

卿刑部侍郎進右都御史贈太子少保諡恭簡有方  
麓居士集十一卷

四庫總目樵詩冲和恬澹不失雅音  
靜志居詩話方麓研心著書詩特游藝然清婉軼倫

江夏沌口

夕陽高柳數家叢葦汀煙百里蒼然平楚蕭疎時見大江渺瀰

殷士儋二首

士儋字正甫歷城人嘉靖丁未進士選庶吉士授檢討充裕王講官歷右贊善洗馬侍讀學士掌翰林院

已籤卷九

四

事進禮部侍郎改吏部拜禮部尙書加太子太保兼文淵閣大學士入閣辦事進少保武英殿大學士贈太保諡文通改文莊有金輿山房集十四卷

野獲編殷歷城罷相在里張江陵以宋詩爲對聯寄之曰山中宰相無官府天上神仙有子孫蓋諛與嘲各半

月夜同于麟茂秦集伯承宅話遊西山

同有秋山期塵羈負奇絕因君話碧雲爲我歌白雪煙蘿憶幽深霜月對高潔便欲乘風遊禪關叩眞訣

樂孔原之溧水

祖席秋風晚芳洲白露零銅章秦茂宰綠鬢漢明經弭棹寒依浦移帆曉帶星潮聲揚子渡王氣蔣山靈蘿月當琴館棠

陰蔭訟庭別來幽思切春草望中青

林癩一首

癩字貞恆聞人尚書庭機子嘉靖丁未進士改庶吉  
士授檢討歷修撰洗馬國子祭酒太常卿擢禮部侍  
郎改吏部又改南吏部就遷工部尚書改禮部贈太  
子少保諡文恪有集二十二卷

東南嶠外詩話何鏡山閩書錄文恪閩中三公詩一  
為開府張公岳一為太宰李公騏一為司馬張公經  
也詩云直道元凱倫特達廟廊器代工感熙明濟世  
懷深志直道諒難容險阻方歷試長驅百萬師深人  
不毛地鬼方難已夷魏闕戀空積霧雨晦遐限前軍  
大星墜青編勛業崇赤縣經綸秘千載岷山碑行道  
空垂候太宰風塵表盛名自弱冠揮塵吐清言登壇  
弄柔翰振羽覽德輝高象凌霄漢既懷人倫識復負  
經世餘蛾眉不見容貝錦紛為患淒涼梁獄書側槍  
東門歎精忠諒若存耿耿南箕煥司馬文武才磊落

已籤卷九

五

萬夫望平生覽覆其笑談在帷帳雲擾亂江東據鞍  
一何壯未寒息壤盟已速中山謗哀哉誰為明功高  
不相讓鶴唳甯復聞弓藏漫惆悵千秋麟閣勳終記  
青冥上三詩質實典重足當詩史  
田按文恪家世以科名鼎貴留心著述嘗輯福州府  
志三十六卷宣禮部侍郎時上備邊七策慨然有封  
狼居胥意其歷舉一時邊將如梁震貪而智於劫營  
揚照傲而勇於赴敵周尙文嫚罵而仁於撫土評鷹  
各當史第云寇犯邊條上七事而不詳其語子特著  
之

榮淑康如挽歌

金屋恩方盛瑤池宴未終忽驚鸞掩照竟逐鳳乘空  
龍樹凝煙黛宮花泣露叢霓旌千騎送懷惻九原中

陸光祖一首

光祖字與繩平湖人嘉靖丁未進士除知潯縣遷南  
禮部主事改北進郎中改吏部遷太常少卿以事落

職起南太僕少卿未上擢本寺卿就進大理卿尋改  
北遷工部侍郎引疾歸起南兵部侍郎召改北吏部  
出爲南兵部尙書再引疾去起南刑部尙書就改吏  
部入爲刑部尙書改吏部贈太子太保諡莊簡

彭城

宰木蕭蕭起暮風君王不復渡江東  
舞衣滿地生新草過客沿溪問舊宮  
垓下一朝騅不逝咸陽三月火徒紅  
英雄轉門無完策四面悲歌入帳中

田按莊簡彭城詩詩綜作金陵懷古今正其誤

宋儀望 一首

儀望字望之吉安永豐人嘉靖丁未進士除知吳縣

已籤卷九

六

徵授御史擢大理丞以忤嚴嵩旨貶夷陵判官嵩敗  
擢霸州兵備僉事進大名副使改福建左遷四川僉  
事累遷大理少卿以右僉都御史巡撫應天進右副  
都御史就遷南大理卿改北有華陽館集二十六卷

滕王閣

滕閣崔嵬江上開青春獨坐思徘徊  
自憐老子興不淺無那美人期  
未來檐駐彩雲歌舞散汀迷芳草綺羅灰  
登臨無限凭闌意日暮城頭畫角哀

甘茹 一首

茹字征甫富順人嘉靖丁未進士除御史累遷山東  
按察副使有已癸草入秦草歸田草拔茅山人草等

集

張桓侯廟

旅泊雲安縣重瞻漢將祠風雲生叱咤日月照鬢眉故里真  
王盡空山杜宇悲一編存帝紀魂斷隕星時

游李符卿西園

坐對青山暮歌聽白苧長池亭無六月高樹領新涼

楊繼盛一首

繼盛字仲芳容城人嘉靖丁未進士除南吏部主事  
入爲兵部員外郎坐論馬市貶狄道典史稍遷諸城  
知縣徵授南戶部主事入爲戶部員外改兵部疏劾  
嚴嵩論死贈太常少卿諡忠愍有集四卷

已籤卷九

七

弇州四部彙楊公繼盛臨當赴義出所著年譜授其  
子應尾曰後十年可開也復爲詩曰浩氣還太虛丹  
心照萬古生前未了事留與後人補慷慨曼聲長嘯  
以沒

送史沱村考績代人作

一上離亭幾度愁十年塵夢歎沈浮悠悠月笛山城夕漠漠  
寒雲江樹秋作客南來俱萬里送君北去自孤舟他鄉正有  
思歸興况復征旌出石頭

彭輅一首

輅字子殷嘉興人嘉靖丁未進士除江西布政司照  
磨遷新淦知縣左遷應天儒學教授進國子監博士  
南刑部主事有比部集八卷

四庫總目焦竑稱輅於七子盛時意氣高簡不少貶以  
就俗今觀集中多與王世貞酬答之作體格亦近七

子姑所言不盡然也  
構李詩繫子殷詩工選體五七言律浸淫唐人風致  
靜志居詩話先生早慧於詩文不甚敦琢其持論取  
法中唐謂神在象外象在言外言在意外然率矢口  
肆筆而成頗類解大紳卜華伯一流昔人所以有才  
多之憾也

### 追憶孫太初

生平落魄是潛夫袖有煙林五嶽圖海上碧雲看不斷墓前  
明月意同孤葛翁去住餘丹竈阮籍浮沈只酒壚問爾吟魂  
春雨外時應飛鶴過西湖

### 章造一首

适字景南蘭谿人嘉靖丁未進士除行人擢禮科給  
事中有道峯集六卷

四庫總目适詩頗娟雅而醞釀不深  
金華詩錄景南五古步趨陶韋得其韻趣

### 已籤卷九

八

### 雜題

合沓溪上山白雲何時休滄波杳然去碧樹含清幽溪亭閑  
無人獨往誰爲儔坐惜年歲晚終隨魚鳥遊

### 胡杰一首

杰字子文豐城人嘉靖丁未進士選庶吉士累官太  
常卿有劍西臺

### 夜坐

秋月夜窗虛幽人此索居了無塵事擾僻與世交疏倦息勞  
生計冥探大化初翻憐碧山客辟地苦焚魚

### 孫永思三首

永思字性孝蒲州人嘉靖丁未進士除行人擢浙江

道御史

冬日登王母宮

回嶺千年王母祠，含風眾壑迴仙姿。  
空聞青鳥來金闕，不見蟠桃進酒卮。  
涇水有聲天地轉，瑤池何在古今悲。  
穆王八駿無消息，黃竹歌殘雪滿枝。

江上曲

春雨旣過行水濱，江花汀草相鮮新。  
牧童歌上前山去，愁殺江邊行路人。

山門

山門日落望江干，雲樹微茫晚色寒。  
欲向東南歌一曲，鷓鴣聲裏杏花殘。

已籤卷九

九

陳嘉謨

一首

嘉謨字世顯廬陵人，嘉靖丁未進士，授廬州推官，擢戶科給事中，出爲四川副使，引疾歸，起湖廣參政，不赴。有念初堂、長春堂、山斗雲居諸集。

西臺寺

修竹西臺寺，前朝太守祠。我來尋勝蹟，事往見殘碑。  
舊賞青山在，仙蹤白鹿隨。空令人代隔，懷古有餘思。

田按西臺寺舊爲南唐吉州守劉竺生祠，竺守郡時政暇登山習靜，有二白鹿隨車，此詩所謂仙蹤白鹿隨紀其事也。

張元諭一首

元諭字伯啟浦江人，嘉靖丁未進士，除工部主事，歷

員外郎中以忤嚴嵩謫常州判官歷吉安桂林永昌  
知府擢雲南副使有逢底浮談詹詹等集

心遠亭

結亭俯人寰青山遙映帶客心遊冥冥更在青山外

程嗣功

一首

嗣功字汝懋歙人嘉靖丁未進士歷浙江參議廣東  
布政使進南戶部侍郎總督糧儲

黃山

名山自古曾招隱此日歸來愜素心欲解瑤琴坐流水白龍  
潭上坐松陰

鄭東白

一首

已籤卷九

十

東白字叔曉莆田人嘉靖丁未進士歷官廣東僉事  
獨酌有懷

不必論身世高陽一酒徒岩居甘鹿豕浪迹傲江湖華髮時  
名拙青樽客病蘇木蘭二三子何處問當鑪

王君賞

一首

君賞字汝懋淄川人嘉靖丁未進士歷御史遷苑馬  
寺少卿有抱一詩稿

舟次維揚寅亮弟以使事相值

江上波濤險尊前骨以親山川熟宦味雞酒共離人一棹夕  
陽色長歌天地春蕭蕭雙雁影何處不風塵

劉應時

二首

應時字子易洪洞人嘉靖丁未進士累官副使有中

齋集

謝四溟初相值卽以婚娶歸東山予以相見之晚輒復

睽違賦此志別

相逢燕市一悲歌別去匆匆奈爾何海內弟兄知已少天涯  
兒女夢魂多金臺白雪明書劍銅雀春雲瑣薜蘿它日思君  
倍惆悵帝城東望渺煙波

孟縣值初度

寥寥客裏逢初度况復驅車天一涯民事不知還問俗君恩  
未報豈言家山川舉目悲風物霜露沾衣感歲華恰喜河陽  
花滿縣強移樽酒對殘霞

已籤卷九

馬一龍一首

十一

一龍字負圖溧陽人嘉靖丁未進士選庶吉士歷官  
國子司業有遊藝集

藝苑卮言馬司業用筆本流迅而乏字源淡澹大小  
錯綜不可識折看亦不成章

詹氏小辨一龍法素師聖母文頗得筆法

書史會要一龍作字懸腕運時落管如飛頃刻滿幅  
自謂懷素以後一人然評者謂其奇怪爲書法一大

穢  
明詩統司業性豪侈善草書詩亦豪雋大有時譽

送陳玉泉

白下聞君三十年碧霄黃鵠思翛然幽懷自擬陶彭澤大雅  
人傳李謫仙春晝南歸花似錦大江西去水如天今朝共向  
都門別迢遞關河月滿川

章美中 一首

美中字道華吳人嘉靖丁未進士除大理評事遷左  
寺副出爲江西僉事歷廣西參議遷四川副使

仲春虎邱

孤閣生殘照平臺下夕陰疏鐘不知處人影在花林古剎雲  
光杳空山劍氣深依依池上月猶復照登臨

陳良珍 二首

良珍字在璞南海人嘉靖己酉舉人官永州丞有在  
璞集

園中夜別友人

南園惜分襟商聲夜未歇池草澹微霜風林墮纖月殷勤盡  
餘觴華舟戒明發去矣增離憂關河正修越

已籤卷九

十一

秋思

鷓鴣聲殘歇眾芳紛紛桐葉滿銀床門臨水國秋多雁寒入  
金塘夜有霜旅館蕭條依橘柚故人迢遞隔瀟湘浮雲萬里  
奄西北目斷關河幾夕陽

仲春虎邱

孤閣生殘照平臺下夕陰疏鐘不知處人影在花林古剎雲  
光杳空山劍氣深依依池上月猶復照登臨

明詩紀事

賈陽陳 田輯

寶

鄭國寶 十三首

國寶字汝嘉蘭谿人嘉靖庚戌進士除婺源知縣徵

授兵科給事中改禮科以事廷杖削籍有卧雲堂集

田按汝嘉以趙文華子釋思齋祀停封日請假送父

帝大怒成釋思邊備以禮科失糾劾汝嘉與都給事

中謝江等六人廷杖削籍歸時年三十八自號樸里

關西老將歌

少年騎馬疾如飛長弓勁箭突重圍萬乘曾推雙轂送五侯

已籤卷十

一

揖讓平交歸瀚海黃沙連朔漠天山月白聞邊柝一身轉戰

三千里陰風颯颯陣雲惡奮臂前驅斷月支橫行又奪胡馬

騎雕戈白日明秋漢大漠霜高響鐵蹶塞下人傳老都護軍

前共說長城固豈知歲月漸蹉跎老大逢人不相顧射虎將

軍竟不候收甌歸來空白頭聞說燉煌微猛士關西老將淚

先流

土兵行

姑蘇城上烏夜啼姑蘇城下水平溪黃狼走去白狼逐土兵

攬得蠻兵妻花巾裏頭白裏腳勁弩強弓隨部落蘆管嗚嗚

夜劫商搶得黃金充囊橐海上鯨鯢終可除中州狼虎不堪

居一朝封豕衝突起殺人之性還有餘

金華詩錄嘉靖間東南倭患棘總督尙書張經徵四方兵及狼土兵議大舉趙文華獻平倭七策因造祭告海神卽察賊動靜文華陰欲壞經之功狼兵稍有所獲厚犒之使進剿土兵猖獗所由來也初贛州賊作亂都御史陳金奏調廣西狼兵征之季獻吉作土兵行當時情形亦復爾爾

### 聞歌

十二秦箏壓指彈雲屏步障最相憐流霞暗度樓前月散殺明  
邀瑋瑋筵綺紛紛爭相愛芙蓉千尺明仙隊小腰誰復惜瓊  
枝乍汎風光上環珮梁塵暗落起新聲門寵含情滿座驚眼中  
粉黛空姝麗盡道蛾眉恨不平別有高臺上涼日朱蕙翠幃遙  
相憶春風來蕩河陽花楊柳低纖堪把惜鴛鴦宛轉金縷函  
翡翠玲瓏雲錦絨華燈忽照珊瑚枕小婢收將火浣衫長安貴  
客金如土袒臂登堂愛歌舞當壚快飲三百杯

### 已籤卷十

二

長江作醉虬作脯不道今生不解愁相逢便欲脫吳鉤殷勤  
那計百年事白日聊隨江畔遊

### 聞陸錫山掌科落職

造物忽如此君才獨可憐風塵餘白首窮達付蒼天夜雨燈  
前草秋帆渭上船逐臣應有恨遲爾越江邊

### 縱鹿

并序

山人饋余鉅麋頭角崢嶸然毛色純黑疑千年物也  
決藩縱之侑以四韻他日相見于瓊玉山頭須爲余

### 頓轡華陽洞口

谷口隱深霧重巖午不分此間有豐草好去卧玄雲樵客醒  
殘夢宜春憶舊羣赤城應不遠爲我訪茅君

古別離

江上芙蓉花一別一回老看取秋風來紅顏爲誰好

古意

海門初日上照見望京樓下有北去船揚帆過石頭

小園

簾捲風生席墻低月到庭豆花棚下坐一卷種魚經

柳枝詞二首

白板橋邊楊柳枝美人樓上勸瓊卮千條萬縷不堪折舞翠

臨風欲向誰

水榭風生市地垂曉粧臨鏡門蛾眉未須展盡黃金色不與

江亭管別離

已籤卷十

三

邊詞

白骨未收城下土黃沙又起寒邊風孤城百戰心猶壯夢裏

還聞五石弓

畫鷹

萬里長風吹雪毛霜眸歷歷見秋毫須教平野無狐兔眼下

何人爲解條

驄馬

驄馬金羈碧玉鞭玉郎騎坐入幽燕醉來忽墮青絲轡又向

高樓一夜眠

徐學謨十六首

學謨初名學詩字思重改字叔明蘇州嘉定人嘉靖

庚戌進士授兵部主事改中書舍人以憂歸起禮部  
郎中出爲荊州知府以事罷歸起南陽知府進湖廣  
副使改江西以右僉都御史巡撫鄖陽擢禮部尚書  
加太子少保有海隅集七十七卷春明臺十四卷歸

有園臺二十九卷

靜志居詩話宗伯本名學詩以與効分宜者同姓名  
遂更爲謨雅負詩名然多儒響殆肖其人  
田按宗伯論詩云近來作者綴成數十語如黃金  
白雪紫氣中原居庸碣石之類自以爲前無古人小  
兒效顰引爲同調南北傳染終作靡風蓋爲學王李  
者而發又謂王元美兄弟詩文皆作秦聲初閱則驚  
細觀則厭然余閱其全臺五古趨步晉宋時有合作  
七律猶是李王成派七絕流美頗有俊聲其才去李  
王甚遠觀其悔隅集自敘云虛三十年之力揆於今  
之作者猶夢夢也矧曰古之人哉自知審矣宗伯頗  
好事在荊州日招致鷺池生輩引爲上客又作世廟  
識餘錄其語頗覈此書余得藏之

已籤卷十

四

仲夏日同田祠部楊日二主客集郊壇道院

端居積煩憂出門厭塵鞅茲晨邁休暇忽起中林想折簡呼  
友生攜樽恣還往偶依羽士邱立宮信幽敞暫解區中累果  
諧心所賞榻靜山鳥窺庭虛夏木長白日銷篆煙青霞映書  
幌當杯析疑義會意忽抵掌境悟寂喧齊妄遣神氣爽儵然  
洞元化何似軒皇上終宴已忘疲清歌激慨慷還真如可期  
及爾長偃仰

仲夏望日省僚宴集分韻得併字

燕州鬱徂暑端居想幽澗瞻茲窈窕宇扶疏夏木盛賓筵襲  
蘭馨華裾朗玉映無煩折簡呼都忘倒屣迎散吏意俱適佳  
晨酌頻命雖處朝市喧而有雲林靜車馬自馳驅颯埃日紛

遊何如濯素襟相將發高詠逍遙聊卜權沈冥已中聖爲謝  
同心者幽期稀合併

遊大慧寺作

塵羈埋素襟幽遐發深省物化諒有遷哲人貴所秉竭來倦  
風埃休期忻合併矧茲秋氣佳鞅掌獲暫屏驅車遵郊陌雲  
天恣引領修途迨叢棘忽入招提境躡磴慰冥搜捫蘿啟幽  
騁秋榮麗寒渚湖吹披霞嶺爲從火宅來聊憇空門靜慧性  
覺方始迷津誤已永未淨皈依心相睇虛無影肅駕謝珠林  
徘徊延夕景

徐園訪金伯謙諸友不遇

久知客郊園炎月阻相訪茲晨邁新霽凌風開颯爽肩輿一

已籤卷十

五

乘輿巖扉啟幽敞山中靜無人蘿陰滿書幌坐餘几閣涼愛  
此菱蒲長秋事已如斯平疇鬱嘉穰雖乏晤對權頗諧素心  
賞適去復適來聊當看竹往

頭陀生行

并序

頭陀生者故遼藩弄兒國亡後祝髮入道爲襄陽羅

者所得余哀其窮釋焉作是篇

江陵昔日重驩宴侍兒俱在芳華殿酣歌那省風愆篇狎比  
惟看佞幸傳是時頭陀生幾年鬢雲繚繞垂兩肩宮娥望幸  
不得前眾中一身當三千自謂穠華可長久狂飈忽集章臺  
柳天上纔飛司隸章宮中已授邪臣首白馬盟寒帶礪空黃  
龍讖應狐狸走六王之鬼餒不脯曳裾賓客爲鉗徒頭陀何

物么麼者飛身化作崑崙奴袖間金錯一七首腰下赤羽雙  
僕姑禁門躍出青天杳白日重關失萬夫往日紅顏堪一擲  
行雲過眼湘江碧黃金散盡舞臺傾青鬢悞身真可惜轉盼  
君恩不到頭并刀斷送舊風流欲尋雲外龍堂寺不覺秋深  
燕子樓淨生如露亦如電流浪年光颯飛箭傷心莫話囀春  
鶯埋骨堪投定惠院場來何事逐紅塵猶是從前一幻身香  
飄膩玉侵羅袵淚決流波溼漢津紫盃白衲強裝束伶俚還  
帶雙蛾蹙階下低頭望使君十年前是荊州牧奏當還識聖  
恩寬讞書終貸伶官戮故國淒涼莫歎嗟飄零行腳向天涯  
縱然未了三生債更望何門認主家

齋夜有懷簪冠生宋登春

已籤卷十

六

戍角遙聞城上頭相思眞擬隔三秋寒蟬欲斷歲云暮江葉  
不飛人自愁隱幕疏花閒短榻持杯殘月在高樓鷺池今夜  
酒應熟野白荒荒誰勸酬

秋日登滕王閣

江島浮空浦樹分人煙生處俯氤氳千層白浪帆檣雨一片  
青山殿閣雲簾棟故應留勝概斗牛猶自護遺文庾闕客思  
秋無賴淼淼汀花雁夜聞

袁履善有羣昌之命喜而有述

去日能忘范蠡船俄聞五馬出秦川江東秋老蓴鱸後渭北  
風高鳥鼠前今代吐蕃頻款塞漢家都尉欲臨邊逢人拂拭  
新髻色誰識投沙故少年

詠飛閣

鳥飛詎能詠魚詠詎能飛吾居魚鳥間川雲澹相依

梨花

隔汜飄殘雪隨風拂晚驂相逢禁火節江北憶江南

荊州上元曲時在長安旅舍作

春風初到萬家城火樹銀花相映明高結綺樓橫十里沿街

齊唱上元晴

辛酉元夕嘗爲此曲

雕盤翠幕總繁華誰似朱城帝子家雲母屏中輝紫電珊瑚

樹底發流霞

千花騎擁白雲橋月淡煙霏溼絳綃試聽玉壺沈漏水西宮

隱隱出鸞簫

已籤卷十

七

章華臺迴接沙津隊仗如雲引路塵錦障紗籠移鶴輅香風

散作十街春

田按此數詩述遼邸故事也

清明日作

黃河東去淨春沙一曲溪流似若耶馬上不知寒食過村村

風雨暗梨花

得江陵諸王書答之

故國園池重別離敢將雲壑傲明時如今問我樊川業恐是

前生杜牧之

劉效祖二首

效祖字仲修濱州人嘉靖庚戌進士除衛輝推官徵

授戶部主事歷員外郎中出爲陝西副使有雲林棗

六卷

海嶽靈秀集仲修七絕得盛唐氣格李伯承之亞也  
靜志居詩話副使負經世畧生計吏罷官晚寄情詞  
曲所填小令可入元人之室昭陵嘗遣中使索其題  
冊呼曰念菴念菴副使別字也因賦詩云更生雙鬢  
已蕭騷敢謂文章擅彩毫過誤偶承明主問因緣不  
是鬱輪袍都人傳其事以爲列朝所未有  
田按副使七絕風調後爽王阮亭香祖筆記欲輯其  
鄉邦前輩明人有集者五十家而遺副使名則雲林  
棗流傳之鮮可知矣

塞上曲

朔風吹雪渡沙場傳道單于獵白狼北望征塵何處是暮雲  
無際草蒼茫

折楊柳

楊柳千條拂地垂春風宕漾客心悲誰家年少輕離別偏把  
愁聲笛裏吹

已籤卷十

八

陳宗虞一首

宗虞字于韶閩中人嘉靖庚戌進士累官江西副使

有卧雲樓橐六亭集

弇州山人續橐甚矣詩之難言工事則徘徊而傷情  
工情則婉綽而傷氣氣揚則厲直而傷思思深則沈  
簡而傷態態勝則冶靡而傷骨于韶爲詩亡不兼美

送胡生南歸

扁舟一葉故園心斗外輕帆認武林欲採芳蘅何處泊太湖

湖上水雲深

張四知一首

四知字子畏汝陽人嘉靖庚戌進士除刑部主事歷兵部郎中出爲四川僉事遷副使有詔亭集

送盧少溪憲副還東陽

朔風吹野酌去路沂通津旅邸相知少天涯送別頻青山幾載夢白舫一歸人海內塵方擾君輕避此身

董傳策

傳策字原漢上海人嘉靖庚戌進士除刑部主事以

劾嚴嵩下詔獄謫戍南甯隆慶改元起吏部主事歷

郎中累遷南大理卿進工部侍郎就改禮部有采薇

集四卷幽貞集二卷崑歛集六卷廓然子藁二卷

盧臺七卷

已籤卷十

九

四庫總目傳策詩多激烈如其爲人

雲間志畧幼海詩文有相疊長沙之風

松風遺韻抱一山人詩如兩岸青山天外落一帆明

月鏡中開落日玄援嘯峻嶠成樓清角下寒難閉戶

共沾分歲酒當筵俱是異鄉人蝴蝶夢中江草碧鷓鴣

鳴嘯處嶺雲黃天涯作客憐同病人事經秋苦獨吟

皆警拔之句

田按侍郎以繩下過急爲家奴所殺恣睡者可以戒

矣

赴皮過馬頰同吳君時來張君翀作

客行九千里舟過十八灘山疑三峽險水似五溪寒挂纜蒼

松杪停燒白石灣路難何足問此地是平安

訪客啜檳榔

急腳蠻奴髻半斜客來提榼手雙叉檳榔擊出斑斕片灰白

萑菁當獻茶邕人以青萑葉白灰和檳榔煎之客至盛盃以獻謂之代茶

寄橄欖

波斯薦翠味回甘嶺樹秋高拂瘴嵐記得吳都會有賦錫甌

密藏到江南錫甌最佳名波斯種法用錫甌包之雖寄遠不損

邱橈一首

橋字懋實諸城人嘉靖庚戌進士授行人擢刑科給

事中進兵科都給事中以事黜為民隆慶初起禮科

未至擢南太常少卿進大理少卿以病歸萬厯中起

右通政未上擢右副都御史進刑部侍郎拜南吏部

尚書贈太子太保諡簡肅

戊辰元夕吳太宰張侍御移尊見過

煙柳三山寺燈花九陌橋年華殊不負春思轉無聊忽聽尚

已籤卷十

十

書履兼鳴驄馬鑣高軒曾有賦未便是元符

黃甲三首

甲字首卿上元人嘉靖庚戌進士除吏部主事謫秦

州運判遷東郡監州旋罷歸有鳳巖編年稿二十六

卷

顧起元客座贅語藝南詩頗饒獨詣所著獨鑿錄評

詩文多前人所未發

鳥衣佳話首卿詩陳氏園亭云曲徑沿溪入疏峯帶

雨晴春日云鳥聲侵夢斷竹色映階虛秋興云山高

月出雁初下水遠天空人自愁天甯寺云短劍孤懸

凌晨月微褰初綉薄秋風

田按顧太初云首卿性好吟居鄉輒往還者不二三  
人既與廖王部文光善數其騁詠一日廖規其集  
中有人陳騷等語宜大刪遂大詬罵絕之今觀鳳巖編  
年稿中其彈射古人詩文亦互有得失有四子賢雋  
伯祖儒著諫鳳巖覺集仲戊儒著鼓辰齋集叔方儒

著陌花軒集季復儒著振秀閣集今皆失傳惟戊午詩散見鳳巖稿中如乾坤萬變等蕉鹿英雄一笑齊金瓦又覽鏡曼成慨孤生只幻塵又試問餘春應幾許尊前莫靳歌金縷殊是俊句

臘日寄阮按察

不見風流阮嗣宗向來孤性苦爲同歲殘瑤草空相憶夢入  
深林恐未通隴上梅花還雪色山中竹葉幾春風欲知此日  
懷君處正是東山寒雨中

題畫

十里修林帶石橋茅堂背郭隱松濤故人何地來相訪共卧  
白雲山月高

河亭

孫楚樓前放酒船秦淮堤上買花鈿誰家錦幃開新月百尺

已籤卷十

七

危欄水泊天

王好問

三首

好問字裕卿樂亭人嘉靖庚戌進士除太常博士遷  
御史歷大理丞通政使遷工部侍郎改刑部戶部進  
南右都御史就遷戶部尙書贈太子少保有春煦軒  
集三十六卷

王崇簡畿輔明詩王公好問詩閒淡得陶韋遺意

逢樵者

秋雨洗林麓草色澹寒碧颯颯風吹衣冷淅淅石偶同樵  
者行雲閒意俱適緩嘯幽谷靜鶴唳空山夕微鐘發暝煙明  
月送歸客

休沐

暫從賜沐暇適出曠遠情散步出虛齋坐聽山鳥鳴疏雨動  
微涼纖雲弄晚晴尋幽涉竹徑不知新筍生道人偶相訪遺  
我渾虛經大道惡多歧全身貴逃名真言誠可擇吾心本無  
營

來江亭晚眺

長空湛湛月朧朧南國江山如鏡中六代遺蹤何處問秣陵  
寂寞起秋風

方弘靜一首

弘靜字定之歙人嘉靖庚戌進士除東平知州遷南  
戶部員外歷郎中出為四川僉事歷江西副使進參

已籤卷十

十一

政遷廣東布政使以右副都御史巡撫浙江罷歸起  
撫鄖遷南戶部侍郎贈工部尚書有素園存稿二十

卷

新都秀運集定之抱性幽閒溫秀故其修詞吐氣有  
似於人若流水不知處幽禽相與飛不知春色減忽  
見林花飛永日空山寂幽蟬時自吟宛然王孟遺響  
也

訪程山人不遇

避喧來谷口愛此青松陰永日空山寂幽蟬時自吟花源歷  
未隔蘿徑杳難尋稍覺塵心豁方知仙境深

馮泉謨一首

泉謨字明卿海鹽人嘉靖庚戌進士官刑部郎中出  
為江西僉事歷廣東參議副使進福建參政有豐陽

集十二卷

宿石屋山寺

青天萬仞插芙蓉迥合珠林翠幾重  
秋老荒苔飛葉墮客來燒芋有僧  
供雲脚佛閣金鋪暝山盤仙壇石  
髓封聽法欲尋龍起處滿空寒瀨  
夾疏鐘

陳柏一首

柏字子堅河陽州人嘉靖庚戌進士  
授兵部主事歷郎中出為山西副使  
有見南江閣詩選九卷文選十四  
卷借山亭前集詩六卷續集六卷來  
青軒詩選四卷文選八卷退樂軒詩  
選一卷

四庫總目柏詩頗宕逸有姿而失於薄弱  
田按子堅子王叔與七子游倡和極多  
子堅晚始為

已籤卷十

詩亦與七子通聲氣人比之高十五子堅有句云何  
人曾似高常侍五十二詩亦善鳴紀其事也

送韓生歸吳興兼呈陳陸二丈

憐汝何落魄栖栖空遠遊  
秋風吹榭葉遙上九江舟  
山連西塞若溪水歸去鱖魚肥  
且美陳琳豪興筆若椽陸機藻思  
才如綺相逢儻問漢陰夫為言  
憔悴今若此

翁夢鯉一首

夢鯉字希登莆田人嘉靖庚戌進士  
除知縣徵授戶部主事謫潮州通判  
遷惠州同知擢廣東僉事有戶部使  
吳謫居等集

蘭陔詩話雨川詩情清婉五律擅場

早春麻城界河

客行初入楚風日麗長亭野草生荒岸沙禽浴晚汀溪流新  
雨活樹帶去年青轉憶西來道孤鴻雪裏聽

方攸躋一首

攸躋字君敬莆田人嘉靖庚戌進士除南戶部主事  
進員外有草堂集陳岩集

懷吳明卿

一別河梁已隔旬征衣遙逐楚山塵平原渺渺愁孤客芳草  
萋萋憶故人鴻雁漸依彭蠡渚桃花擬泛武陵津才名汝亦  
吳興守何處汀洲採白蘋

黃謙一首

謙字亨大莆田人嘉靖庚戌進士官刑科給事中有

已籤卷十

十四

萬玉山藏彙十六卷

蘭陵詩話亭夫集中佳句如珠海南浮鷺颺母蒼梧  
西去弔湘君亂後衣裳長作客愁中風雨再逢君之  
苑名王修禹貢白羊守吏獵春田滄海總歸周白雉  
水軍盡立漢朱旗皆佳句也

惶恐灘

宋文信國被俘過此

雙淚秦庭事忍言南天不用北來魂灘聲似解孤臣意日日  
奔流到海門

變尚約一首

尚約字孔源膠州人嘉靖庚戌進士除灤水知縣徵  
授江西道御史謫安州判官遷懷慶推官被論削籍

有百一集

寄趙潛菴

聞道西石隱溪南日掩門  
兒笑茅屋詩客問山村  
午夢春池草秋開  
夜月樽相思燕水關  
東望一銷魂

王應時一首

使 應時字懋行侯官人嘉靖庚戌進士歷官雲南按察

留侯故城

野色餘衰柳荒城只故邱  
間關思附漢恬淡乞封留  
廢阪牛羊夕空碑草木秋  
采蘋聊一薦千里白雲愁

王汝述一首

汝述字朝明金華人嘉靖庚戌進士除吉水知縣徵授刑部主事歷郎中出爲貴州參議

已籤卷十

五

貴陽道上

今朝縣雨歇昨夜布衾寒  
山色青堪染溪陰綠可餐

林大春一首

大春字井丹潮陽人嘉靖庚戌進士歷官浙江副使  
有井丹集十五卷

寄謝茂秦

梁苑多詞客漢家今幾人  
鄉陽久零落枚叔已風塵  
老去惟君在書來憶我真  
聲名滿京洛何處覓垂綸

葉春及一首

春及字化甫歸善人嘉靖壬子舉人授福清教諭遷  
惠安知縣再遷賓州知州以病移文卽歸削職爲民

起興國知州未赴遷郎陽同知徵授戶部員外遷耶

中有石洞集十八卷

四庫總目春及詩音節清亮

靜志居詩話桐齋合惠安幾與姑臧菴蕪比潔解組歸隱居羅浮之石洞雖以講學聞詩不墮程邵門戶

遊黃塘山庄

海暑辭城市言從此地遊樹深芳徑曲花密石堂幽野蕨同僧飯陰崖得句留分明絕塵想身外更何求

張鳴鳳 三首

鳴鳳字羽王臨桂人嘉靖壬子舉人除雷州司理改黎平謫六安判官遷應天通判謫利州衛經歷改王府官有萍浮東潛過江河垣謫台東漕粵臺等集

已籤卷十

六

四庫總目桂勝十六卷桂故八卷張鳴鳳撰桂勝以山水標目各引證諸書敘述於前即以歷代詩文附本條下而於石刻題名之類搜采尤詳又隨事附以考證多所訂正後董斯張吳鼎備志朱彝尊日下舊聞即全做其體例於地志之中與輿記之中於康海官名先政先獻游寓雜誌在明代輿記之中於康海武功志韓邦靖朝邑志外自為別調可以鼎立而三田按嘉靖壬子舉人有兩張鳴鳳一江西豐城一廣西臨桂竹垞詩綜誤以羽王為豐城人四庫總目會輿江西詩徵因仍不改羽王博雅所作桂勝桂故為世所重其論明詩云蕩除積習北地汝南亡政輕議正嘉之際黃岡王廷陳亮薛蕙清韻秀藻良為競爽後來其為高子業深又云于鱗嶽挺雲端元美海涵天際子相儻而不深公實麗而不壯蓋崇算感海則然所論不出七子窠臼語亦切當惟推靈吳明卿篤古中程首稱精雅於七子間不無所蔽其集今亦不甚流傳

白雀洞

白雀去已久深岩名不滅遙思千載人風素何高潔

夕陽洞

煙際度歸樵明滅不可辨返照射西崑潭光映東嶽

灘江口田家

楂固橫侵汲道崖傾半沒楓潭落日射魚磯上閒時種豆山

南

來知德二首

知德字矣鮮梁山人嘉靖壬子舉人以薦授翰林待

詔有瞿唐日錄三十卷

田按待詔研精易理詩多蕭閒之趣

對酒

地幽春水淨花發夕陽遲白水盧仝宅青山謝眺詩羣鴉歸

已籤卷十

七

碧樹獨鶴下荒池無限江湖思留連到幾時

秋風

爲懶茶經熟因閒瑟譜工時清客蹇拙道在任窮通殘葉迎

霜赤寒花映日紅人生花葉共風至自西東

李尚實一首

尚實號子虛長治人嘉靖壬子舉人除輝縣知縣改

淇縣遷裕州知州有蕭然亭集

題暴尚書祠

尚書祠屋古城新小掇溪毛薦渚蘋左右何勞兵義士乾坤

故使有頑民直言晁氏能安漢錯把周官解誤人夜閣一龕

燈火寂青青廟木杜鵑春

